

KUBATANA KUSINGAONEKI

KWEMWENGA WAKRISTU

 Ndakakanzura rwendo rwangu rwekunovhima, kuitira kuti ndishumire Ishe. Saka icho... Tinofara kuva pano. Ndinotenda, nguva yokupedzisira pano, ndakakuudzai: nguva yose patinouya, pane mumwe munhu anenge asipo. Zvino tikadzoka zvakare gore rinouya, Ishe vakanonoka, pane mumwe munhu anenge asipo.

² Pane mumwe, aiva pedyo, pedyosa kwandiri pamoyo, mumweya; aiva Hama Lyle. Ndakagara ndiine kugashirwa, pandaipinda, ndakamira kumashure nokuteerera, mukamuri yekuverengera yeHama Jack, kuvatana vana vachiimba. Vari kuimba muKubwinya, manheru ano. Zvakanaka, pane rimwe remanzwi rakatofanoenda mhiri Ikoko, rakamirira mamwe matatu. Ndinofunga kuti handichamborinzwa zvakare panyika pano. Asi ndiri kutarisira zvikuru kurinzwa zvakare, Hama, Hanzvadzi Moore pano, muNyika iyo yavacha... hakungambova nerima.

³ Hama Palmer vaiva muranda mukuru waKristu. Ndinorangarira Hama Jack vachindiuudza nezvekupira hupenyu hwavo—hwavo kunaMwari. Vaiva makaripenda, pamwe chete. Zvino vakati vaininge vachidya chikafuchavo—chavo chemasikati, vakabata sangweji yavo muruoko rwavo, vachidya sangweji yavo nekuverenga Bhaibheri ravo. Maona? Vakaita zvinhu zvikuru kwazvo, Hama Palmer zvavakaita. Ndikaripenda nyanzvi, baba vakanaka kuvana vavo, mhuri yakaisvonaka. Vakavakudza vese kuzoshumira Ishe. Sekuziva kwandinoita, vese vakaponeswa nokuzadzwa neMweya Mutsvene. Zvino chinhu chikuru kune munhu upi zvake mazuva ano, vakomana nevasikana. Asi, munoona, zvese zvavakamboita hazvireve zvakanyanya kusvikira vashumira Mwari, kunze kwekunge vakashumira Mwari. Uye manheru ano, zvavakange vaita panyika ino, mabasa avo akanaka, vaenda kumubairo wavo, kunova nawo. Mwari vazorodze mweya wehama yedu.

⁴ Ndinoziva kuti, chero bedzi ino iri tabhenakeri pano, zvino ndi—ndinoziva kuti ivo... inzwi ravo rinenge richingova pano. Unogona kurinzwa. Hanzvadzi Anna Jeanne na—nasisi vavo, vachiridza ogani nepiano, Havana kumbobvira vamirira. Hama Palmer vongomira pano vongotanga rwiyo, vongoenda mberi. Vairwubata. Zvino handina kumbobvira... Ndaitarisira kuvanzwa vachiimbisa rwiyo.

⁵ Kuvana vavo; kumudzimai wavo; uye nekunaHama Jack, shamwari yavo yepadyo, vaive shamwari kwemakore ese aya; uye Hama Brown, Hanzvadzi Brown, nemi mese tabhenakeri: Mwari vakuropafadzei. Ndinovasuwawo, zvakare. Mwari vazorodze mweya wavo wehumhare, kusvika tisangane navo murugare.

Ngatikotamisei misoro yedu.

⁶ Mwari voKudenga vane nyasha, mukungotaura pamusoro pemuranda mukuru uyu, ndamusuwa, manheru ano, iye achindigwinha chishanu, nekakunyemwerera kakati chenjerei kaaigara ainako paaiti, “Mwari akuropafadzei, Hama Branham,” pataifamba tichipinda pamukova. Ndinoziva kuti auya kuImba yeNy, manheru ano. Saka ndinonamata, Mwari vanodikanwa, Muite kuti michero, mabasa ake anomutevera, ave makuru, achienderera mberi muvana vake, mudzimai wake. Tinonamata kuti Mumuropafadze, Ishe. Makati maizova murume ku “shirikadzi dzaive shirikadzi zvemazvirokwazvo.” Ndinonamatira Hanzvadzi Palmer nevana vese. Ndinoziva nzira yekuvanyaradza vose, kurasakiwa nemubatsiri uyewo kurasakiwa nababa vangu.

⁷ Saka, Baba, apo tiri pano, manheru ano, tinonamata kuti Mutigadzire mweya yeduwo, zvakare, kuitira nguva iyoyo. Hativive. Inogona kungoyerekana yasvika sezvakaita yake. Hativive kuti ichasvika riini, asi tinoziva kuti inofanira kusvika. Saka tinonamata, Mwari, kuti Munzvere moyo wese uri muno, manheru ano. Mwari, musasiyawo wangu. Nzverai wanguwo, zvakare, uye mundiedze. Ishe, kana paine kuipa matiri, kubvisei. Tinoda kuKushumirai. Ndicho chinangwa chedu chakakwana, kuKushumirai.

⁸ Dururai Mweya weNy patiri, manheru ano, nevhiki rino rese. Ropafadzai tabhenakeri ino ine zita rokuti Life Tabernacle. Dai yawana maropafadzo akazara ezita iroro uye izare neHupenyu hwaMwari, vhiki rino, kuponesa mweya wese wakarasika, kuzadza mutendi wese neMweya Mutsvene, nekuwandudza tariro iri matiri, Ishe, zvakare. Tinonamata kuti Mupodzewo zvakare vose vanorwara nevanotambudzwa vanouya pakati pedu. Dai Mweya Mutsvene weNy mukuru wava pano, Ishe, ongopodza. Uye zodzai mumwe nemumwe kuti atende. Zviitei izvi, Baba.

⁹ Mwari, ndibatsirei zvino. Kana zvabvira, zvaitika kuti ijana rangu rekuunza Mharidzo. Ndinonamata, Mwari, kuti Mungoita kuti chikamu chemunhu chimire kune rumwe rutivi. Dai Mweya Mutsvene wapinda wofamba patiri, Ishe. Dai Mweya Mutsvene watora musangano, Ishe. Tinoziva kuti hatina kukwanisa kwakafanira. Hataigona kuzviita, tose zvedu. Hatidi kukambira kuti tinogona kuzviita. Asi, Ishe, tinoziva kuti Imi ndimi Iye wacho. Saka tiri kutarisa kwaMuri, Ishe. Fambai,

Mweya waMwari, muwire patiri patsva. Takumbira nemuZita raJesu. Ameni.

¹⁰ Zvino ndinoda kutumira kwaziso zasi kufoni, kumachechi zvino ari pamubatanidzwa munyika yose. Tiri pamubatanidzwa wemafoni, inova nzira yakaisvonaka yatakakwanisa kuwana, kubudikidza neHama yedu Pearry Green anobva kuBeaumont, Texas. Uye machechi, ari kutevera Mharidzo, zvachose, kwese kwakapoteredza muUnited States, vari pamubatanidzwa, manheru ano. Tinotumira kwaziso, kukwira nekudzika kuWest Coast, nzira yose kubva kuVancouver kusvika kuTijuana, Mexico, nemuSan Jose, Los Angeles. Mapoka ose ari ikoko, tinokukwazisai kubva kuShreveport. Zvakare, nzira yose kuenda kuPrescott, Arizona, kuboka riri kumusoro ikoko rakamirira panaShe, tinotumira kwaziso kwamuri, nekuTucson, uyezve Sierra Vista. Kwese kunosvika kuNew York, kukwidza nekudzika, kwakapoteredza nyika, Ishe vakuropafadzei, mumwe nemumwe. Ndinoshuva dai manga muri pano, manheru ano, dunhu rino rakaisvonaka reLouisiana, uko kunoita sekumba kwechipiri, kwandiri. Ini . . .

¹¹ Munoziva, imi vanhu vari kumusoro kuNew York, munoziva, ndinoita sekukusekai zvishoma, matauriro enyu. Ndiri pamusha chaizvo manheru ano. Hongu. Munhu wese zasi kuno, munoziva, vanoti, “Mhoroi, apo, Hama Branham. Unzai Hanzvadzi Branham nevapwere vose mouya kuzotiona.” Oh, ini zvangu! Zvinoita kuti ndinzwe zvakanaka. Ndicho Chirungu chaicho, kwandiri. Kwete kusacherechedza imi vanhu vekumabvazuva nekuchamhembe, nenzvimbo dzakasiyana. Asi, munoziva, ndofunga ndakangozvarwa ndiri Reb’ wakare uye ndichangogara ndakadaro. Ndi—ndinoita sokuzvifarira, pachangu. Chirungu chaicho.

¹² Ndakanga ndiri kusvusvuro yemangwanani yeBusiness Men, pano nguva shoma yapfuura, uye vakati, “Tichasimuka zvino tiimbe rwiyo rwenyika.” Zvino ndakasimuka, ndokuti, “Kumusha wangu wakare weKentucky, uri kure.” Zvino, kwandiri, ndirwo rwaiva rwiyo rwenyika. Ndizvo zvoga zvandaiziva. Saka, tinokutumirai kwaziso. Uye zvino kune . . .

¹³ Ndinotenda kuti vachaedza kuisa svusvuro yemangwanani panhepfenyuro, zvakare, svusvuro yeBusiness Men, Mugovera mangwanani. Hama Green vachakuudzai, sezvo vari pamamaikirofoni kunze uko iko zvino. Saka vachakuudzai kuti svusvuro inotanga nguvai, uye nguva yacho, usiku hwega-hwega, yokuteerera. Tinokutendai zvikuru. Tinamatirei.

¹⁴ Zvino, kukereke yepano, uye tabhenakeri yaHama Jack, ndichangokukumbiraiwo fevha, manheru ano. Sezvo ndanga ndiri kuzopa Mharidzo yangu yekupa kutenda kunyi—nyika yose, manheru ano, kukereke dzedu dzakapoteredza pedyo dziri kutevera Mharidzo ino. Mune izvi, ndi—ndinogona kuti rebesei.

Uyezve, zvakare, ndinogona kuparidza Dzidziso. Saka, kana zvakadaro, uye usingawirirane naYo... .

¹⁵ Sezvandakangotaura pamusoro pekudya pai yecherry: "Kana ndikatsenga mhadzi, handirase pai yacho, ndinongosvipa mhadzi, ndoenderera mberi ndichidya pai."

¹⁶ Saka zvikaitika kuti ndataura chimwe chinhu manheru ano, ini... Zvakakanaka, ndicho chimwe chikonzero ndatora kokero ino, manheru ano, kuva pano, kuunza Mharidzo yangu yekupa kutenda kumapoka akapoteredza munyika, nokuti Hama Jack vanogara vakavhura mukova wavo zvakasununguka voti, "Paridzai zviri pamoyo wenyu." Saka ndinonzwa kudekara zvikuru.

¹⁷ Saka zvinogona kuitika kuti muno, muungano yepano neHama Jack, panogona kuva nevashumiri nevamwe vanhu vanopesana neDzidziso. Kazhinji ndine tsika yekusataura pamusoro pedzidziso mupurupiti yemumwe munhu, anenge andikoka kuti ndizomuparidzira. Saka, mushure meusiku huno, ndofunga ndinenge ndichingonamatira vanorwara nekuita shumiro dzemazuba ese. Asi ndafunga kuti ndifanokuudzai tisati tatanga, kuti kana paine chimwe chinhu chandinotaura chinogona kuplesana, zvino, chingozvitenderai mukusaziva kwangu, ndinofungidzira, nekusaziva zviri nane. Uye ndinamatirei.

¹⁸ Saka zvino ngatizarurei muShoko, kuchitsauko pano. Ndinoda kunongedza kunzvimbo dzakawanda manheru ano, nokuti ndine Magwaro akawanda nezvinyorwa zvidiki zvakanyorwa pano pahwendefa.

¹⁹ Ndinorangarira kekutanga kandakakwira papuratifomu paLife Tabernacle, makore makumi maviri apfuura. Nda—ndaisamboda kunyora pasi Magwaro angu nezvinongedzo. Ndaiva mudiki nemakore makumi maviri ipapo. Asi zvino ndapfuura makumi maviri nemashanu, saka ini... kechipiri. Saka ndaka... handichagona kuzvirangarira sezvandaiita. Ndinotofanira kunyora Magwaro angu pasi, uye dzimwe nguva kunyora pfupiso yechinhu kana chimwe chandinoda kunongedza kwachiri.

²⁰ Uye zvino Ishe varopafadze patiri kuverenga kubva muShoko raMwari, uye neBhuku revaRoma, chitsauko 7. Zvino, ndinoda kuti ndiite sekudzidzisa izvi sechidzidzo cheSunday school.

²¹ Ndinoziva kuti pane vanhu vakamira. Uye patabhenakeri, kazhinji, paJeffersonville, tinoda kukukwazisai mose, manheru ano, zvakare, kuziva kuti makabatanidzwa ikoko kutabhenakeri. Uye zvinoita sekunge kuva kutabhenakeri, manheru ano, dai maiva zasi kuno, vanhu vakamira nemadziro, kwakazarisa. Zvino, ndinofungidzira kuti ndizvo

zvamakaitawo, zvakare, vanhu vose vari kurutivi irworwo rwenyika, vaya kuitira Mharidzo.

²² Zvino tiri kuzoshandisa ino sechidzidzo cheSunday school. Uye hazvina kunangana nechimwe chinhu, kana vamwe vanhu, kana chimwe chinhu; kuChechi bedzi, Mutumbi waKristu watiri kuedza kutungamira kupfungwa dzakadzama nezvinangwa zvepamusoro, tichitenda kuti Kuuya kwaIshe Jesu kwava pedyo. Tinozvitenda. Zvikuru sei, kwaswedera nemakore makumi maviri kupfuura zvazvaiva pandakauya kuShreveport kekutanga. Oh, zvakawanda zvakaitika kubva panguva iyoyo! Iye zvino takatarisira Kuuya kwaShe, muchizvarwa chedu. Handisi kutarisira rumutsiriro muchizvarwa chedu. Ndakatarisira Kuuya kwaShe, muchizvarwa chedu.

²³ Zvino muna vaRoma 7. Ndinovimba kuti maBhaibheri enyu akavhurwa, kwese zvino, kwakatenderera nyika. Tinoda kunyatsoverenga zvino. Mharidzo iyi—iyi kubva muno, inoita sekunge ndeye kuroorana nekurambana, asi chaizvoizvo haisi. Kwandiri, chiporofita cheChechi mumazuva ekupedzisira. Ngativerengei.

Hamuzivi, here hama dzangu, (nekuti ndinotaura nevanhu vanoziva murairo,) kuti murairo une simba pamunhu nguva yose yeupenyu hwake?

Nokuti mukadzi ane murume anosungwa nemurairo kumurume wake iye achiri mupenyu; asi kana murume afa, asunungurwa pamurairo wemurume wake.

Naizvozvo, zvino kana akawanikwa nemumwe murume, murume wake achiri mupenyu, achanzi chipfeve: asi kana murume wake afa, asunungurwa pamurairo iwoyo; zvino haasi chipfeve, kunyange akawanikwa nemumwe murume.

Saka, hama dzangu, nemivo makaitwa vakafa kumurairo nomuviri waKristu; kuti muve makabatanidza kana kuti mowanikwa nemumwe, iye wakamutswa pavakafa, kuti tiberekere Mwari zvibereko.

Nokuti panguva iyo tichiri munyama, . . . kuchiva kwechivi, kwakamutswa nomurairo, kwakabata mumitezo yedu kuti kubereke zvibereko zvinoisa kurufu.

Asi zvino takasunungurwa pamirairo, takafa kunaizvozvo zvatanga takasungwa nazvo; naizvozvo tinofanira kushumira nomweya mutsva, tisingabatiri nezvakanyorwa kare.

²⁴ Uye zvino ngatinamatei.

²⁵ Mwari vanodikanwa, tichangobva kuverenga ratinotenda kuva Shoko raMwari rakayereswa. Uye ndizvo zvatiri kutenda, kuti hapana donhwe kana chidimbu chichapfuura kubva kune

Izvi kusvikira zvese zvazadzikiswa. Uye tinotenda kuti Ishe vedu vakatiudza, muna Zvakazarurwa chitsauko 22, kuti, "Ani naani achabvisa Shoko rimwe chete kubva kwaRiri kana kuwedzera shoko rimwe chete kwaRiri, iyeye, mugove wake, uchabviswa kubva muBhuku reHupenyu."

²⁶ Zvino tinozviona, pakumiririrwa kwakatsveyama kweShoko iri, saSatani akaRimiririra zvakatsveyama kuna Evha, akamukonzera kuti apokane Shoko rimwe chete, ndokukandira rudzi rwese rwevanhu munyonganyonga yekuwa. Shoko rimwe chete bedzi!

²⁷ Zvadaro tinoona pakati peBhuku, kwakauya Ishe naMuponesi wedu, uye Akatipa chitaurwa ichi pamusoro paRo. "Munhu haangararame nechingwa bedzi, asi neShoko rimwe nerimwe rinobuda mumuromo waMwari."

²⁸ Zvadaro yambiro yakaperera muBhuku rekupedzisira, reZvakazarurwa zvaJesu Kristu, "Ani naani anowedzera shoko rimwe kana kukamura Shoko rimwe chete, mugove wake uchabviswa kubva muBhuku reHupenyu."

²⁹ O Mwari, tichiziva, nekuona kusasimba kwedu, tichiziva kuti tiri kufamba pashinda dzisingatane kudambuka dzehupenyu, hwehupenyu huno hunoguma (tisingazine nguva iyo yatichadanwa kuzodavira Kumusoro), tiitei, O Ishe, tiise parutivi zvose zviri mumoyo medu, zvose zviri mupfungwa yedu, totarisa takananga kuShoko reNy, manheru ano, uye kuti Muuye kuzoRidudzira nemashoko enyu anorarama. Zviitei.

³⁰ Dai Mweya weNy wawira patiri ugozodza Shoko kumoyo yedu, kuitira kuti tibve pano, manheru ano, tave vanhu vari nani kupfuura zvatiri iye zvino, kuitira kuti tive nemuono uri nani pana Jesu Kristu. Zviitei, Ishe, kuitira kuti tinzwisise zuva ratiri kurarama mariri, negadziriro yaMwari kuvanhu vaVo munguva ino; nguva huru, ine njodzi, yerima yatiri kurarama mairi zvino. Mwari, tizodzei, kwete mutauri bedzi, asi muteereri. Uye, pamwe chete, itai kuti mwoyo yedu idedere paShoko reNy. "Nokuti kutya Mwari ndiwo mavambo ehuchenjeri." Tenderai zvinhu izvi, Baba, nokuti tazvikumbira nemuZita raJesu. Ameni.

³¹ Ndingada kupa musoro wenaya kuzvitaurwa zvishoma izvi zvandanga ndiri kuzoita pano, nemamwe Magwaro andingada kutevedza nepadyo, kana Ishe vachitendera, kuMharidzo ye-yethanksgiving, kune zvisingaoneki, zve, *Kubatana Kusingaoneki KweMwenga WaKristu. Kubatana Kusingaoneki KweMwenga WaKristu.* Haaiite sokunge Mharidzo yethanksgiving. Kunyangwe hazvo, chero Gwaro ripi zvaro, tinotenda nokuda kwaRo.

³² Ndinotenda kuna Mwari, nekuva mupenyu munguva ino, yezviitiko zvekupedzisira zvenhoroondo yenyika ino. Handizive. Kuti dai ndaiva nechekutura nyika isati yavambwa, uye

dai Mwari vainge vakandiratidza hurongwa hwacho hwese, zvino voti kwandiri, "Ndi—ndinoda kuti uparidze. Saka zvino nderipi zera raunoda, kuenda panyika kunoparidza?" Ndingadai ndakasarudza zera rino, nokuti ndinofunga kuti rino ndiro zera rakanakisa.

³³ Ndaizoda zvirokzwazvo kuvapo panguva iyo yekushanya kwaKe panyika. Asi, zvakadaro, ndinofunga kuti iko zvino inguva huru kupfuura ipapo, nekuti inguva yaAri kuuya kuzotora vanhu avo vaAkadzikinura, pedyo nerumuko apo vakadzikinurwa vose vachamuka. Mukana wakanaka zvakadini watinawo, kutaura kune vanhu vari kufa, nguva huru! Tinowana manyukunyuku pamusoro pazvo.

³⁴ Zvino tinoziva kuti nhoroondo yave kuguma. Nhoroondo yenyika ichapera nenguva isipi, zvadaro tiri kuzopinda muzuva idzva, kuMireniyamu huru. Iyo, semutendi mumwe chete, ndinotenda mu...muMireniyamu, kutonga kweMireniyamu naKristu, chiuru chemakore panyika; kudzoka kwaIshe Jesu mumutumbi, kuzotora vanhu vari mumitumbi, vakabwinyiswa, neRopa raKe rinochenesa.

³⁵ Pauro pano ari kupa tsanangudzo, muRugwaro rwedu, pamusoro pemurairo nenyasha, nekuvzvitsanangura sekuroorana nekurambana. Chinyorwa ichi hachiwanzoparidza nezvacho, nokuti, zvinongoita sekuti, chakananga, sekunge, pakuroorana nekurambana. Asiwo zvakare chakanangana nechikamu chikuru chekuroorana nekurambana, kwezvaari kuedza kuisa muhurongwa pano kuti isu, se—seChechi, hatichagona zvakare kuroorwa nenyika nekuna Kristu, panguva imwe chete, uye—uye zviri pamutemo nepamuraio wazvo, sezvazvingava kumudzimai anotora mumwe murume asi iye aine murume wake mupenu. Zvino ndine pfungwa dzangu pamusoro pazvo, uye ndinotenda kuti zvinotaurwa neBhaibheri iChokwadi.

³⁶ Zvino, asi ndinotendawo, zvakare, maererano nekutenda kwangu, kuti zvinozarura chimwe chezvakavanzika zvikuru zvechiporofita. Uye ndinotenda kuti Ishe vachatibatsira, manheru ano, patiri kupa izvi kune vanhu vedu vakamirira munyika yese.

³⁷ Zvakambotaurwa, imwe nguva (Ndaiverenga, pandaiita zvinyorwa pamusoro peizvi, nda—ndanga ndisingagone kurangarira zita rebhuku racho mazviri, asi ndi—ndine chokwadi kuti iri ndiro racho), iro (rimwe remabhuku andakaverenga pamusoro paVaMoody, Dwight Moody, kuChicago; tine boka guru rechechi yakateerera kuChicago, zvakare, manheru ano), kuti, VaMoody, mushure mekuverenga VaRoma 7, vakamhanyira mumugwagwa, zvino munhu wekutanga wavakasangana naye, vakati kwaari, "Unoziva nyasha here?"

Zvino murume ndokupindura kuti, "Nyasha ani?"

VaMoody ndokuti, "Nyasha dzaMwari."

³⁸ Saka, zvakanyatsomunakidza paakaona izvo, kuti nyasha dzakanga dzatipatsanura kubva kumurairo, uye kuti, nechikamu chakanga chaitwa nenyasha. Zvakanaka, zvino, chinhu chipi chandingada kuita, ndeapo... Ndakagara ndichiudza vanhu, kana ndichinge ndayambuka mutsara, kune rimwe divi, ndinoda kusimuka ndoimba.

Nyasha dzinoshamisa! Manzwiro anotapira
zvakadini,
Dzakaponesa munhu akaipa seni!
Nyasha, nyasha dzinokosha!
Nyasha dzakawedzerwa dzekuziva!

³⁹ "Nokuti takaponeswa nenyasha; kwete nokuda kwezvatinogona kuita." Zvatinokwanisa, chero zvatinoita, hazviverengerwe kwatiri. Nyasha ndidzo dzinotiponesa. "Makaponeswa nenyasha, kubudikidza nekutenda."

⁴⁰ Regai ndiwedzere kuMudzimai uyu, Nyasha, regai ndiMugadze muBhaibheri, zvakare, sekudanwa kunzi Mudzimai akasanangurwa, ava Muzvare Nyasha wandiri kuzotaura pamusoro pake. Munoziva, Bhaibheri rinozvireva, rakati, "KuMudzimai akasanangurwa." Izvozvo, mukacherechedza, "kusanangurwa" kwakabva pashoko rekuti "Mudzimai akasanangurwa." Mudzimai mumwe chete, pakati pemamwe madzimai ose, akasarudzwa.

⁴¹ Sekuti, mhandara yaifanira kuzozvara mutumbi waMwari, panyika. Aiva mudzimai akasanangurwa. Mwari vakasarudza Maria.

⁴² Uye, zvakare, Mwari vakasarudza Mudzimai akasanangurwa, anova Mwenga waKe. Akasanangurwa. Ndinotarisira kuti tiri nhengo dzacho, manheru ano, pasi rose, munyika yese, waro.

⁴³ Tsanangudzo pano, ichiratidza ukama pakati paKristu neMwenga, Mudzimai akasanangurwa: uye kuti Aizounzwa sei kwaAri; kwaAibva; uye kuti Aizounzwa sei kwaAri. Chechi pano, mutsanangudzo yatiri kuona, iri kumiririrwa nemudzimai. Zvinova, mudzimai nguva dzose anomiririra Chechi, nekuti Chechi inocherechedza seMwenga. Mwenga, iYe Mwenga waIshe Jesu, Mwanakomana waMwari.

⁴⁴ Nguva dzose, kana ukatarisa, ongorora mamiriro nemazvibatiro emadzimai, zvino uchaona pane chechi.

⁴⁵ Zvino, izvi, zvimwe zvitaurwa izvi zvinogona kuita zvitsva kune vamwe venyu, asi zvinofambidzana neMharidzo yandinayo yakabva kuna Jehovha, uye ndiri kuedza kusvitsa kuvanhu. Maona? Imi tarisai zvose panyama, maitikiro azvo, zvisikwa, muzviongorore. Zvinonyatsofambirana nezvepamweya, zvakare.

⁴⁶ Zvino, kana mukaona mazvibatiro emadzimai munyika nhasi, tarisai mazvibatiro echechi yemunyika nhasi. Chingotarisai. Handiti, zvino, pane mazvibatiro eMwenga wepamweya, Chechi. Maona? Utarisei, zvakare. [Chibenga patepi—Mupepeti.] Nokuti, unonzi wepanyama, unokambira kuva Mwenga.

⁴⁷ Zvino, ndapota regai nditaure zvakare kuungano yepano. Musanzwe kusagadzikana zvino. Ndiri—ndiri kutaura kune vose vari kunze munyika yose, kune avo, vandinofunga kuti, Mudzimai akasanangurwa. Saka kana zvikaitika kuti mune vashumiri muno, vasingawirirane nazvo, zvakanaaka, chingozvibatai kwechinguvana. Maona? Cherechedzai. Ingoteerera.

⁴⁸ Cherechedzai hunhu uhwu. Kana mukaona vakadzi vave kungoenda mberi nekupengereka, vachingoita chero zvavanoda kuita, tarisai, chechi iri kuita zvimwe chetezvo. Cherechedzai.

⁴⁹ Asi tarisai kana, Mwenga wepamweya, kana Otanga kuva nerumutsiriro, paAnotanga kudzoka achizvinanganisa neShoko raMwari. Tarirai ipapo zvino zvakare, munoona, kuti Magwaro, panguva iyoyo, pachava neMharidzo ichauya kuzotora Mwenga iyeye, kutora Mudzimai iyeye, Musanangurwa.

⁵⁰ Nokuti, sezvo nyika, Satani, munyengeri akanyengera mwenga wepakutanga, kuti atadzire Mwari, nekusatenda Shoko rake...

⁵¹ Uye zvino, nhasi, patiri kuona chechi yepanyama, muvhangeri renyu renjere, muchienda kure nekure kubva paShoko raMwari, muvhangeri regutsaruzhinji; tinoona kuti madzimai emunyika, mumigwagwa, nhengo dzezvakadaro, vari kuzvipinza muhupo humwe chete. Haugone kuvaudza. Varasikirwa nepfungwa dzose dzakakwana dzemazvibatiro, vanhu vadaro. Maona? Zvino ndiyo nzira iyo yatorwa nechechi. Zvino unotoiona yakananga kumubatanidzwa wemachechi chaiko, zvemazvirokwazvo sechinhu chipi hacho chiri panyika, uye nokunyatsopinda muRome nekukwanisa kwese kwainogona, maona, nokuti zvakaporofitwa. Uye hepanoi paari. Ndiwo mazvibatiro ake.

⁵² Asi zvino tarirai zvakare kuChechi yepamweya, kuti boka revanhu ivavo, rakadanirwa kunze, Vasanangurwa, kubudikidza nerumutsiriro rwega-rwega. Muna Martin Luther, zvakaitika nenzira imwe cheteyo pakuvandudzwa. Zvakaitika nenzira imwe chete munguva yaJohn Wesley. Zvakaitika nenzira imwe chete pakatanga Pentekosti. Vakadzosa madzimai mumutsara weShoko, zvadaro ndokutsauka kubvapo. Heunoi anodzokera kunyonganyonga. Asi panguva iyo vanhu vanenge vagadzirira kupinda mumutsara, pane Mharidzo inouya, uye vanopinda mumutsara waYo.

⁵³ Luther aiva mutumwa wezuva rimwe chete, rekururamiswa, uye Chechi ikapinda mumutsara wako, vamwe vavo. Vamwe vese vakangoenderera mberi. Wesley akauya nekucheneswa, Chechi ikapinda mumutsara wako. Pentekosti ndokuuuya nekudzoreredza kwezvipo, Chechi ikapinda mumutsara wako, Vasanangurwa vezuva iroro; zvino ndokuzopera, ndokudzokera kune zvemasangano ndokubuda pamwe chete nevamwe vese, vose zvavo zvichidzika nemutsara.

⁵⁴ Zvino, asi munocherechedza, vanhu pavanotanga kuedza kunangana neShoko, panouya Mharidzo itsva kubva muShoko raMwari, rakanyatsonanga kuvanhu. Zvino vanobata Mharidzo iyoyo vopinda mumutsara, nguva dzose. Zvinongova mune hwaMwari... Tinazvo.

⁵⁵ Tine mhuri. Mhuri yega-yega muno inazvo. Dzimwe nguva zvinhu zvese zvinoendeka kwamuri, kwemakore. Zvino, kamwe-kamwe, munosvika pakamanikana, tinozvitaura kakawanda kuno kumaodzanyemba, "Kana kwonaya, kunoita zvekudurura," uye zvinhu zvese zvinongoenda nenzira isiri iyo. Muri kupfuura nemunguva dzeusiku. Asi pane kubuda kwezuva, kwozoita usiku. Zvinhu zvose zvinofamba mukuenderera mberi.

⁵⁶ Muporofita, Pauro, pano ari kutaura kuti mudzimai haagone kuroorwa zvakare kusvikira murume wake wekutanga afa. Haagone kuroorwa chero bedzi murume wake wepakutanga ari mupenyu; mudzimai, hazvina basa kuti chii, zvachose. Anofanira kugara asina kuroorwa kana murume wake wekutanga achiri mupenyu. Zvino kana akaita chivi chakaita saichocho, "achadanwa kunzi mhombwe." Ndiri kutaura pamusoro pewepanyama zvino, kuti ndizvifananidze newepamweya. Kana mudzimai uyu akaita chivi chakadaro, zvino anoiswa mucherechedzo, "mhombwe," kana aine varume vaviri vapenyu panguva imwe chete. Naizvozvo, arasikirwa, nokudaro, nekodzero dzake kuna Mwari neKudenga, nekuita izvozvo. Iye adaro chokwadi. Akarambwu muhumambo hwaMwari, maererano neMagwaro andichangobva kuverenga.

⁵⁷ Naizvozvovo chechi, painoedza kusanganisa zvitendwa nesangano pamwe neShoko raMwari. Haigone kuroorwa nesangano, yova Mwenga waJesu Kristu, panguva imwe chete. Anofanira kufa kune uyu kana mumwe wacho. Murairo unotaura kudaro, pano. Pane mirairo yakawanda muShoko raMwari. Uye uyu murairo waKe, Pauro ari kutaura zvimwe chete pano. Haagone kuroorwa kuchechi yezvitendwa zvemunyika, uye yova Mwenga waKristu, nokuti (iye) chimwe chinopesana nechimwe. Zvino, rangarirai.

Ungati, "Zvakanaka, isu tinotenda *izvi*, asi hatitendi *Izvo*."

⁵⁸ Kana wakaroorwa kunaKristu, Kristu iShoko raMwari. Muna Mutsvene Johane, chitsauko 1, inoti, "Pakutanga kwaiva neShoko, uye Shoko rakanga riri kuna Mwari, uye Shoko

raiva Mwari. Zvino rimwe chete rakaitwa nyama ndokugara pakati pedu.” Kristu aiva Shoko benyu. Akagara ari Shoko. Achiri Shoko. Achagara ari Shoko. Aingova bedzi kuratidzirwa kwezvizenga zvaMwari, nokuti aiva Mwanakomana waMwari.

⁵⁹ Zvino mwanakomana upi zvake kuratidza kwababa vake, uye sezwawaingova muzvizenga zvababa vako, mumutumbi wababa vako pavaiva mukomana wechidiki, waiva mavari. Zvakadaro, vaisagona kuyanana newe, nokuti vaisakuziva. Asi zvadaro, kubudikidza nebindu rekudyarira ramai vako, wakaunzwa panyika ndokuva muchimiro chababa vako, zvino vakazokwanisa kuyanana newe.

⁶⁰ Uye ndizvo zvamaiva, vanakomana vaMwari nevanasikana vaMwari, pasati pava nemwedzi, nyeredzi, kana chizenga. Maiva vanakomana nevanasikana vaMwari, nokuti munongori kuzadzikiswa kunobatika kwezvizenga zvaiva munamwari pakutanga. Nokuti, panongova nemhando imwe chete yeHupenyu Husingaperi, uye aiva iwe, pakutanga. Hapana zvaunoziva nezvazvo. Uye hauna kumbobvira waziva pawaiva muna baba vako vepanyama, asi wakaratidza kune... muchimiro chavo. Wakagadzirwa muchimiro chaMwari, uye wakaratidza kuitira kubwinya nekuyanana kwaMwari.

⁶¹ Uye, naizvozvo, semazvirokwazvo awaiva muchizenga chababa vako, usati wazvarwa panyika, chizenga chako chepamweya chaifanira kunge chiri muna Mwari, nokuti uri kuratidza kwepfungwa dzaKe, nyika isati yavambwa. Ndizvozvo. Hapana nzira yekuzvinzvenga. Ndizvozvo chaizvo. Zvino, iye zvino tinocherechedza, zvadaro, kuti Hupenyu huri mauri, Hupenyu hwaMwari huri mauri, kubva pamavambo enyika.

⁶² Saka, zvino, haugone kusanganisa chitendwa chesangano neShoko, nokuti zvinonyanya kupesana, chimwe kune chimwe.

⁶³ Ndizvo chaizvo zvakaedza kuitwa naSatani mumaonero aka enjere kuna Evha. Akati...akabvuma kuti Mwari vakazitura, asi ndokuti, “Zvirokwazvo, hauzofa.” Maona? Uye ivo vakazvitenda.

⁶⁴ Zvino ndizvo zvakaitwa nechitendwa, manheru ano. Sangano rapatsanura vanhu kubva paShoko raMwari. Jesu haana kuti here, paAkauya, “Imi, kubudikidza netsika dzenyu, makashaisa maturo Mirairo yaMwari kuvanhu”? [Ungano inoti, “Ameni.”—Mupepeti.] Uye kubudikidza nezvitendwa zvedu, takapsanura kuyanana kweMweya Mutsvene kuti uzodze Shoko raMwari rakanupfunurwa kuchizvarwa chino. Takapsanura vanhu zvekuti, kubudikidza nesangano, zvokuti havagone kuwana mukana wekuRiona.

⁶⁵ Zvino, Mwari, Ivo, muchizvarwa chega-chega, Vanowedzera chikamu chitsva cheBhuku raVo. Zvinofambilidzana pamwe chete.

⁶⁶ Sekuvakwa kwakaitwa mutumbi wangu. Ndinoudzwa kunzi wakatangira pamapfupa ekumusana, asi waisangova musana bedzi. Zvakabva ipapo ndokuenda kumbabvu, uye kubva kumapapu, kuenda kuzvanza, nemaoko, netsoka, nezvakadaro, zvino ndokusvika pakuva munhu wandiri zvino.

⁶⁷ Zvino ndizvo zvakaita kuratidzwa kwaMwari pamavambo. Uye pakupedzisira Akaonekwa saJehovha, Mwari Baba. Zvino ndokuzoonekwa saMwari Mwanakomana, muna Jesu Kristu. Iye zvino akaonekwa saMwari Mweya Mutsvene. Mwari mumwe chete, nguva dzose, kuratidzwa kutatu kwaMwari mumwe—mumwe chete.

⁶⁸ Zvino, tinoona mune izvi, kuti, muchizvarwa chega-chega, Mwari vakapa Shoko raVo kubva pamavambo.

⁶⁹ Sekungouya kwakaita kushanduka kwezvisikwa. Sezvakangoita chinhu chekutanga chakasikwa naMwari, zvichida, chaiva... Ngatitii Vakatanga kusika zvinomera, kutanga. Zvadaro Vakazosika mhuka, mushure. Zvino Vakazosika vanhu, mushure. Zvakaita sokushanduka kwezvisikwa, zvichisimukira.

⁷⁰ Ndizvo zvazvagara zviri munaMwari neChechi yaKe. Kururamiswa pasi paLuther. Kuchen... Zviri kudhonzerwa Mwenga waKe kunze, zvino. Ari kusika Mwenga waKe. Kururamiswa pasi paLuther; kucheneswa pasi paWesley; nezvakadaro, munoona. Iye, kushandurwa kwepaMweya kuchipihwa zvakawedzerwa, nokuti Mutumbi uri kuvakwa, kusvika kuMusoro, unova Kristu, Mutumbi waKristu.

⁷¹ Zvino, Iye, semudzimai, kana Akaroorwa naKristu Shoko, haAgone kuroorwa nesangano rechechi panguva imwe chete, nokuti Akasungwa naro. Iye acha... haagone kurarama nevarume vaviri panguva imwe chete. Vanopesana, mumwe kune mumwe. Mumwe akatumwa naMwari, mumwe akagadzirwa nevanhu, saka havawirirane. Akati, “Regai shoko remunhu wese rive nhema; raNgu rive Chokwadi.” Mwari vakadaro.

⁷² Zvinongopesana, sezvaiva zvakangoita murairo kunyasha, saPauro achitura pano. Mumwe anofanira kufa, kuti uve nemumwe. “Zvino akaedza kuzvisanganisa, achanzi mhombwe.” Oh! Pafungei. New York, Arizona, kunyika yose, pafungei. Mwari vakati, “Kana akaedza kuroorwa kune vaviri panguva imwe chete, achadanwa kunzi mhombwe.” Imhombwe ipi inogona kupinda Denga? Mwari vangaroora mhombwe here? Kwete zvachose. Vakatiudza kuti tisazviite. “Achadanwa kunzi mhombwe.”

⁷³ Zvadaro, vana vake, kana ari mhombwe, vana vake ndevehupombwe. Vehupombwe! Vehupombwe kunei? Kwete kuchechi, asi kuShoko. Ndewe hupombwe. Mufananidzo wakadini waZvakazarurwa 3 pano, wezera rechechi

yeRaodhikia muzuva rekuguma! Iboka rehupombwe zvakadini! Musanganiswa wakadini wemasangano! Unodziya, vanoenda mberi vachizviti Makristu, nekuramba Shoko raMwari, "Vaine chimiro chehumwari, asi vachiramba simba racho," sezvakataura muporofita kuti zvaizova.

⁷⁴ Kuroorana ndiro bumbiro rekutangisisa panyika. Kuroorana ndiko kwakatanga kuitwa, nokuitwa, mubindu reEdheni.

⁷⁵ Mudzimai akapihwa hunhu hwakatsarukana hwaasingafanire kusvibisa. Mudzimai akapihwa izvozvo. Hapana chisikwa panyika chakaita semudzimai. Hapana imbwa hadzi, hapana chisikwa chipi zvacho chechikadzi, chakapihwa hunhu huri mumudzimai.

⁷⁶ Mudzimai aisambova pa—pamavambo ekusikwa, nokuti Mwari vaiziva kuti aizowa. Dzimwe hadzi dzose hadzaigona kuita hypombwe. Ndiye ega anogona kuita hypombwe. Dai akaita sezvepakutanga, zvaisazoenderana nehuchenjeri hukuru hwaMwari. Maona? Akagadzirwa kubva pamurume.

⁷⁷ Asi nekuti akakandirwa kudivi iroro, akapihwawo hutariri hwakasanangurwa kubva kuna Mwari, kuitira rudzikinguro. Ane hunhu hwaasingafanire kusvibisa.

⁷⁸ Kana aihukanganisa, anosvibisa kwehupenyu hwese. Hazvina basa kuti akaregererwa zvakadini, haagone kururamiswa. Ndichasvika kwazviri muchinguvana. Ndine Gwaro pamusoro pazvo, mumaminitsi mashoma. Anogona kuregererwa nokuda kwekuzvisvibisa, asi haagone kururamiswa muhupenyu huno. Zvinogara naye. Cherechedzai zvino. Akapihwa izvi. Anogona kuregererwa, asi kwete kururamiswa.

⁷⁹ Mutumbi wake wakapihwa kwaari, muruvimbo rwakayereswa kubva kuna Mwari. Hapana imbwa hadzi, kana shiri, kana imwewo mhuka, hapana chimwe chisikwa chakadaro. Kwete. Iye ndiye oga. Nako, iye...Chikonzero sei zvakanyanya kuyereswa, anofanira kuunza hupenyu panyika. Mutumbi wake ibindu rekudyarira hupenyu, naizvozvo ndosaka akapihwa ruvimbo rwakayereswa urwu.

⁸⁰ Zvino pano ndipo pamungagona kusawirirana neni, vazhinji venyu, vadzidzi vebhaibheri. Ndizvo zvakasvibisa rudzi rwese rwevanhu, ihwo hypombwe huya hwepakutanga. Bindu rake rekudyarira rakasvibisa. Akabereka mapatyaya aya, Kaini naAbhero. Chiito chimwe chete, vana vaviri. Nzverai Magwaro. Uh-huh.

⁸¹ Cherechedzai zvino. Tinoona kuti mutumbi wake ibindu rekudyarira, naizvozvo hunhu hwakayereswa, kusausvibisa. Zvino, ndiri kutaura zvino, ndichiunza izvi mutsananguro, kukuratidzai pakamira Chechi. Handisi kutaura pamusoro penyu imi madzimai. Chero zvamuri, zviri pakati penyu

naMwari, kana imi varume. Asi ndiri kutaura pamusoro peChechi naKristu.

⁸² Zvino, izvi akapihwa, kuitira kuti aunze hupenyu uhwo Mwari vega ndivo vanogona kuhupa. Murume wake anogona kunge ari mutakuri wechizenga, asi Mwari ndivo vanofanira kuunza hupenyu. Ndizvozvo chaizvo. Hunofanira kuuya. Hupenyu hwese hunofanira kubva kuna Mwari. Hupenyu hupi zvahwo hunofanira kubva kuna Mwari. Hwakatsveyamiswa, ndizvo zvinoita kuti huve chivi, asi hupenyu hunofanira kubva kunaMwari. Ndiye Muvambi wehupenyu. Zvino iye ano kuye-...kumwe...

⁸³ Ndinoda kutaura zvinhu zvitatu pano zvaasingafanire kubva pazviri. Zvino, ndiri kutaura, chengetai chechi mupfungwa pandiri kutaura izvi kumudzimai wepanyama, saPauro pano, muchitsauko 7 chavaRoma.

⁸⁴ Ane hunhu hwakayereswa hwaanovimbwa nahwo hwakakumikidza kwaari naIshe wake, hunhu hwakatsaurwa. Hapana chimwe chinhu chinahwo kunze kwemudzimai. Ndizvozvo. Hwakakumikidza kwaari naMwari. Haafanire kusvibisa hunhu ihwohwo.

⁸⁵ Kana akatongoita chimwe chinhu chakaipa, anofanira kuchitendeuka kumurume wake asati amutora, ozvigadzirisa. Zvimwe chetezvo sekereke yakaroorwa kumurairo, inofanira kuuya pamberi paKristu, kuroorana kwepiri kusatি kwaitwa. Anofanira kuzvitendeuka. Kana akasadaro, uye orarama nemurume wake kwemakore gumi ozozvireurura, murume ane mvumo yekumuramba oroora mumwe mudzimai. Iro iGwaro. Hupombwe hwevasina kuroora kurarama kwakasviba.

⁸⁶ “Josefa, usatyा, kuzvitorera Maria mudzimai wako, nokuti chakagamuchidza mukati make ndecheMweya Mutsvene.” Akanga afunga zvekumuramba pachivande, maona, mushure mekunge atotsidzirana naye. Kana wakatsidzirana naye, pakugutsikana kwaMwari, wakatomuroora.

⁸⁷ Cherechedzai zvino. Ane hunhu hwakayereswa hwaakapihwa, hwaakavimbwa nahwo naIshe. Mwari vakamupa hunhu ihwohwo. Sezvazvaingova mubindu reEdheni, anogona kuti “hongu” kana “kwete.” Ane hunhu hwakayereswa hwehudzimai hwakakumikidza kwaari, hwaasingafanire kuputsa. Hunhu hwechidzimai hwandiri kutaura nezvahwo pano mazvibatire ake, hunhu hwake pakati pevarume. Kusarega murume wese...

⁸⁸ Kutarisa pamaskirini aya woona vatambi vemabhaikopo ava vachitsvodana, nokumbundirana, nokuita zvinosemesa, pavari, pavakadzi ava. Mukadzi anoita zvakadaro, ane hunhu hwakaipa. Anogona kunge ari mhandara, zvakadaro. Asi, munoonaa, mumoyo make...Apo, zvizenga izvi, zvizenga

zvekusangana, zviri mumiromo. Murume akatsvoda mukadzi, chaizvoizvo, zvaari kutoita, hupombwe. Zvizenga zvekusangana zviri pamuromo wemukadzi nemuromo wemurume. Anogona kumusvepura paruoko, hazvingasanganise nemuzvizenga zvavo zvekusangana. Asi zvizenga zvekusangana zviri mumiromo yavo. Zvino honai kushaya maturo mu—muHollywood nhasi, kwehunzenza hwese uhwu nekudanana nemadzimai, nezvakadaro, uye tusikana tudiki tuchitarisa zvose izvozvo. Hazvishamise sei tsika dzedu dzaora nekunhuwa, dzakasviba, munona, nokuti zviri kuiswa pamberi pevana. Ndizvozvo. Zvinofanira kudaro pazuva rekupedzisira.

⁸⁹ Zvino chengetai chechi iri mupfungwa. Iri kutsvoda nekuita hunzenza, nekusangana kwese-kwese muzvinhu zvese kunze kweShoko, kurega dhiyabhorosi, nedzidzo nekunzvera kwesainzi, nezvakadaro.

⁹⁰ Apo, sainzi, dzidzo, nezvose, zvinonyatsopesana naMwari. Hurongwa hwese hwebudiriro yehungwaru yatinayo nhasi zvirokzwazvo ndehwaantikristu. Hurongwa hwedzidzo ndehwaantikristu. Kubudirira ndekwaantikristu. Kunopesana naMwari. Unoti, "Kupesana nebudiriro?" Mwari vachava nebudiriro, rimwe remazuva ano, isingazova nerufu rwunobatanidzwa nayo. Budiriro ino yechimanjemanje yakauya naSatani. Ndichazviratidza kwamuri, Ishe vakatendera, manheru ano, kubva muBhaibheri. Zvinhu zvose izvi ndezvaSatani. Budiriro yedu itsva haichazombova kana ne chimwe cheizvi mairi.

Ane hudzimai hwakayereswa.

⁹¹ Ndosaka varume vachizvibata sezzavanoita pane vakadzi, nokuti vakadzi vanozvibata nemaitiro avanoita pane varume. Mukadzi anozviunza pano akapfeka chikabudura, nezvinobata, nehanzu dzemurume nezvakadaro, mumugwagwa umo, achizvonyongoka. Hazvina basa kuti anotaura kuti kudini, anogona kuve akatendeka kumurume wake chose, asi, pamberi paMwari, "Imhombwe." "Ani naani anotarisa pamukadzi kuti amuchive atoita hupombwe naye mumoyo make." Uye mukadzi azviunza kuva izvozvo.

Ndizvo chaizvo zvakaitwa nechechi kunyika.

⁹² Cherechedzai. Hwakakumikidza kwaari: hunhu hwakayereswa, hudzimai hwakayereswa, uye zvadaro humai hwakayereswa, kuremekedza murume wake.

⁹³ Chingotarisa nhasi. Mune mamwe maguta, maguta akawanda, vanotoita mabiko makuru mune avanoti masosaiti, nhengo dzechechiwo, zvakare. Vanoisa nguwani dzavo pasi, zvino vose vanobva vadzhakwa vokandira kiyi dzavo madziri. Mukadzi wega-wega anoenda kunonhonga kiyi kubva munguwani, dzemurume waachanogara naye pakupera

kwevhiki. Mapati akangosiyana siyana! Ayo, ndine zvakawanda zvekutura pano, kana Ishe vakatendera, handina nguva yekupinda mazviri. Tsvina yakadaro!

⁹⁴ Zvino chechi yakangoipa, saizvozvo, ichiita hupombwe nezvose, uye haifanire kunge ichipinda imomo. Inofanira kugara neShoko.

⁹⁵ Zvivakwa zvakanaka. Zvipatara zvakanaka. Zvimwe zvinhu zvese izvi zvakanaka. Hurongwa hwedzidzo, hwakanaka. Tinofanira kugara pano, tinofanira kuverenga, kunyora. Ndiwo humwe hurongwa hwelupfumi.

⁹⁶ Sekuti, taisafanira kupfeka hanzu, pakutanga. Ndichaparidza pamusoro pazvo, gare-gare muvhiki rino, Ishe vachitendera. Asi tinofanira kupfeka hanzu nokuti Mwari vakanipa hanzu. Asi, pakutanga, taisadzida. Taive takafukidza nechidzitiro.

⁹⁷ Iye zvino akafukidza kuchivi chake. Haatombozivi kuti ari kutadza, munona, sezvaiva paya. Neku... Iye zvino akafukidza nadhiyahborosi; paya ainge akafukidza naMwari. Musiyano wacho.

⁹⁸ Zvino tinoona kuti akapihwa hunhu hwakayereswa uhu hwaasingafanire kutyora: hwehudzimai, mazvibatiro, kuva nehunhu hwake, kurera vana vake, kuva anoremekedza murume wake.

⁹⁹ Mazuva ano, vanotarisa kwaari zvakanyanya kupfuura chinhu chipi zvachyo panyika. Munofanira kuuya kuzogara muhofisi yangu imwe nguva muone varume vachiunza madzimai avo, pavanenge vachiedza kugadzirisa naMwari vachireurura pamusoro pevarume vese vavakamborarama navo, nezvime zvose, kubvira pavakaroorana. O, unoti, "Ivo..." Kwete. NdevePentekosti. Uh-huh. Vamwe havauye. Saka izvo...

¹⁰⁰ Ndiri kutaura pamusoro pekuti zvinogona kutsauka zvakadini, paunotanga kusangana nenyika, chechi, nemafashoni ose nezvinhu zvatiinazvo. Hatichina kuita semaPentekosti epakutanga sekusiyana kwakaita masikati neusiku. Takatsauka kuendawo kumwe, kune rimwe rima rakadzimaidza kumwewo kunhu, uye takarasika.

¹⁰¹ Kuvimbwa kwakayereswa zvakadini! Mungava wakadini kumudzimai! Zvino tinoona sei ari mufananidzo weChechi, iyo ine mungava mumwe chete. Semudzimai ane mungava wakayereswa kuhumai hwake, kuhunhu hwake, kumurume wake, Chechi ine mungava wakayereswa kumunamato nekuShoko, nekuna Kristu, seztvakangoitawo mudzimai.

¹⁰² Zvino semudzimai paanotsauka nemumwe murume; chechi painotsauka kuhurongwa hwemasangano, nehurongwa hwekuvaka nezvikoro, nezvakadaro. Handina dambudziko nazvo. Izvozvo zvakanaka. Zvinoita basa razvo. Asi hazvisi...

¹⁰³ Jesu haana kumboti, “Endai, munovaka zvikoro.” Akati, “Paridzai Shoko.”

¹⁰⁴ Ndipo pavanoRiramba. Kwete kuita zvikoro, zvipatara, nezvakadaro. Izvozvo zvakanaka, asi handiro basa reChechi. Basa ravo ndere kuperidza Vhangeri, asi takaita zvimwe zvinhu zvese kunze kwaizvozvo. Uye takatsauka, sezvakangoita Satani, ndokuzvivhenganisa nerimwe Vhangeri, chimwe chinhu, nechimwe chinhu, kusvikira zvaita mubatanidzwa pasina. Huori, kunyange yedu yose, pasi rose! Tarisai muhwezvwa wenyika.

¹⁰⁵ Ndichiverenga *Reader's Digest*, pano nguva pfupi yapfuura, apo vasikana vadiki vari kusvika pazera rekusabereka, neverumbe, kushanduka kwehupenyu, pakati pemakore makumi maviri nemakore makumi maviri nemashanu okuberekwa. Vari kupfuura nemuzera repakati rehupenyu. Kuora, (sei?) nokuda kwekunzvera kwsainzi kwechikafu nezvinhu zvakakuyiwa, kubva pane zvinhu zvakasikwa zvatinofanira kuisa mumutumbi wedu. Hapana zvatiri kunze kwebutwa rakaora riri kuzofa.

¹⁰⁶ Zvino, ndizvo zvakaitawo chechi, zvakare. Iri muchimiro chimwe chete.

¹⁰⁷ Iye mufananidzo. Ine hunhu humwe chete hwakakosha paMweya, hwakapihwa kwaIri, kuchengetedza Mweya neShoko, nokurega kuita hupombwe nechinhu chipi zvacho chenyika kana chero chinhu. Yogara iri mhandara kuShoko, semudzimai anofanira kugara akatendeka kumurume wake. Ruvimbo rwakayereswa, kukudza Shoko raIshe waKe kupfuura dzidzo yose yakagadzirwa nevanhu, huchenjeri, sangano rose riripo. Kereke yakapihwa kuvimbika ikoko.

¹⁰⁸ Kana vakati, “Zvakanaka, chechi yangu . . .” Handina basa nezvinotendwa nechechi yako. Kana zvichipesana neShoko raMwari, gara kure nazvo.

¹⁰⁹ Bhaibheri rakati, “Jesu Kristu mumwe chete zuro, nhasi, nekusingaperi.” Marko 16 yakati, “Zviratidzo izvi zvichatevera avo vanotenda.” Kana chechi ikaparidza zvinopesana neIzvozvo, usadaro. Ifa kune chinhu ichocco. Berekwa patsva, muShoko raMwari. “Endai munyika yose muparidze Vhangeri kuzvisikwa zvose.” Ndiko kwaRinofanira kusvika. “Zviratidzo izvi zvichatevera vanotenda, munyika yose, uye nechisikwa chose chichatenda.” Munona kutsauka kwatakaita kubva kwaRiri? Chokwadi. Asi Mudzimai ane mungava kwaRiri.

¹¹⁰ Asi tarisai izvo, Hollywood, yabvisa hunhu kubva kumadzimai edu.

¹¹¹ Ndakagara pano ndakatarisa chembere inodikanwa, Hanzvadzi Schrader, madzimai akawanda pano, nekumashure, neHanzvadzi Moore vari nechekuno uku, madzimai echikuru anorangarira makore mashoma apfuura. Dai vanamai vavo,

kunyange ivo, vaise vakafamba kunze mumugwagwa, nemafambiro anoita vamwe vakadzi ava nhasi, nhengo dzechechi, vangadai vakavharira mukadzi iyeye nokuda kwekupenga. “Akanganwa kupfeka rokwe rake.” Saka, kana kwaiva kupenga mazuva iwayo, kupenga nhasi.

¹¹² Zvino, tarisai, nyika yose inozviratidza kuti yave kupenga. Honai humhondi nezvinhu zviri kuitika panyika nhasi. Maona? Kupenga!

¹¹³ Chinhu chacho chose chiri kuuya kuzozadzikisa Zvakazarurwa. Tinogona kusvika kwazviri, vhiki rino. Apo, zvinhu zviya zvinotyisa, izvo zvisiri zvepakutanga. Izvo zvinhu zvepamweya, zvinoita kuti vanhu vadanzidzire kumatombo nemakomo, nezvimwe zvinhu zvose, kuti zvivawire.

¹¹⁴ Kupenga kuzere, kwakakwana kuchapindwa nenyika ino, iko zvino, kwava pedyo zvino. Handiti, munona matsimba azvo. Hezvo pazviri. Zviri—zviri kufamba mumigwagwa, kunyatsopinda mumabhenji emuchechi, kupenga kuzere, kuita zvinhu izvo munhu aisambofunga kuita iye akakwana mupfungwa.

¹¹⁵ Tarisai zvakaitwa neHollywood kumadzimai. Honai zvazviri. Yakabvuta hunhu hwakayereswa hwechidzimai. Taigona kuramba, tichienderera. Maona?

¹¹⁶ Zvose izvi akarasikirwa nazvo. Akazviita sei? Nekuti pakava neturusi rine hunyengeri rironzi chechi, sezvazvakaita mubindu reEdheni. Munhu ane hunyengeri, dhiyahorosi, akapinda muchechi sezvaakaita mubindu reEdheni, ndokumunyengera kwazviri. Akanyengerwa. Mudzimai anofunga; haadi kuita chakaipa.

¹¹⁷ Evha aisada kutadza. Haana kuita achida. Asi iye... Bhaibheri rakati, muna Timotio weChipiri, Timotio weKutanga 3, “Akanyengerwa.” Zvino *kunyengerwa* handi apo paunozviita uchida. Ndeapo paunonyengerwa kuti uzviite.

¹¹⁸ Uye ndizvo chaizvo zvaitika nhasi. Anyengerwa, neterevhizheni, nemagazini, nevanhu ava, izvi, zvinhu zvose zvakanaka izvi zvavari kuenda, kunze mumugwagwa. Vasikana vechimanjemanje, vanotarisa mamagazini nekutarisa mifananidzo. Vanotarisa mumugwagwa. Vanoona hanzu muzvitoro. Kuti Satani, turusi huru iya ye—yegehena, akadzika pakati pevanhu ndokuvanyengera kupinda muzvinhu izvi! Uye mudzimai anofunga kuti ari kuita zvakanaka. Uye akafa asingazvizive. Ari kure naMwari. Munona kuti arasikirwa sei nezvinhu zvose izvi, uye kuti zvaiva nemano zvakadini?

¹¹⁹ Nhasi uno, ndinoda kuti mucherechedze. Jesu akataura pamusoro pazvo. Zvakare, kana muchida kuzviverenga, Jesu akataura kuti chinhu ichi chaizoitika (Maizviziva here?) mumaaawa aKe ekupedzisira, Ava kuda kunorovererwa.

Ngatingozviverengai, Mutsvene Ruka, chitsauko che—chechi 23, uye kwechinguvana, sechidzidzo cheSunday school. Kutanga pandima 27, ndinotenda kuti ndakazvinyora pano. Jesu achienda kuKarivhari. Teererai pandiri kuzviverenga. Zvakanaka. Mutsvene Ruka 23:27, ndinotenda, ndipo patiinazvo. Chinyorwa changu chakaitwa nenzira iyoyo. Hongu. Hezvinoi zviri pano.

*Akateverwa nevanhu vazhinji-zhinji, na . . . vakadzi,
vaimuririra nokumuchema.*

*Asi Jesu akatendeuka kwavari akati, Vakunda
veJerusarema, musandichema ini, asi muzvicheme imi,
nevana venyu.*

*Nokuti, tarirai, zuva—mazuva anouya, . . . ayo
avachati, Vakaropafadzwa vasingaponi, nechizvaro
chisingatongobereka, nemazamu asina kuyamwisa.*

¹²⁰ Fungai, nhasi, zvinonyadzisa kuti mudzimai ave nemwana. Maona?

*Musi uyo muchatanga kureva kumakomo muchiti,
Wirai pamusoro pedu; nezvi- . . . nekuzvikomo,
Tifukidzei.*

*Nokuti kana vachiita izvi kumuti munyoro, wakaoma
vachautireiko?*

¹²¹ Kutura pamusoro pezuva iro madzimai vanenge vasingazode vana zvakare. Vanoda imbwa kana kitsi, kana chimwe chinhu chakadaro, asi haachada vana zvachose. Sei? Iye “NdiMai Hubbard Vakwegura” kana akaita mwana. Maona? Haadi. Ndiko—ndiko kutura kweHollywood. Haidi kuti mudzimai wayo ave “Mai Hubbard Vakwegura.” Saka iye, murume kana mudzimai anoitwa imwe oparesheni paari, kuti, zzvivaite kuti vasabereke vana. Havadi vana.

¹²² Jesu akataura pamusoro pazvo. Zvino Akataura kuti kudini? “Panguva iyoyo vachatanga kudanidzira kumatombo nemakomo kuti ‘Tiwirei.’”

¹²³ Achaita zvekuti asabate pamuviri, kuitira kuti agone kuenda kumapati. Haadi kunetsekana nekurera mwana. “Zvinomukanganisa chimiro. Kana abata pamuviri, zvinodaro, panomukanganisa chimiro. Haazoratidzike sezvaaiva.” Uye murume wake, haana ruzivo rwakakwana kumusiya achiita izvozvo. Haambomupe mwana.

¹²⁴ Jesu akataura pamusoro pazvo. Uye Akati, izvo, “Pavanenge vave kuitira kuti, varere kitsi, neimbwa. Ndizvozvo. Anofanira kuwana chaanorera, nekuti hunhu hwaakapihwa naMwari.

¹²⁵ Vanobhadhara mari yakawanda kuitira kuti, varere kitsi, neimbwa. Ndizvozvo. Anofanira kuwana chaanorera, nekuti hunhu hwaakapihwa naMwari.

¹²⁶ Ndinocherechedza. Ndinovhima mhuka hombe. Chitsere munguva yechirimo, kana chichinge chasangana nemukono wacho, chine vana zvino vanoberekwa. Ihanda dzakati kurei zvino, zvichida dzinorema mapaundi zana kana kupfuura. Chinodziita kuti dzihwande dzakazorora pachadzo, nokuti chiri kuzobereka vamwe vana. Vanozvarwa muna Kukadzi. Chitsere hachina zvachinoziva pamusoro pazvo.

¹²⁷ Dzinozvarwa dziri mumasaki madiki. Kuti Mwari vanodziita sei kuti dzizarure masaki aya dzoga, pachezvadzo, madiki... sesaga diki recellophane. Dzinowana nzira yadzo. Amai vacho vakafa nehope. Hapana chavati vambodya kubvira muna Gumiguru, uye uyu ndiKukadzi. Dzinouya dzoyamwa kusvika pakati paChivabvu.

¹²⁸ Zvino pachinoona vana vacho, vanenge vatokura, vachirema zvichida mapaundi gumi nemashanu, gumi kana gumi nemashanu mumwe chete. Vakayamwa kubva pachiri. Kuti chinowana sei mukaka, huchenjeri hwaMwari. Chinorarama, chega, chobuditsa mukaka wekupa vana vacho.

¹²⁹ Zvino kana chikasabereka, chorega kuva nevana, chinoenda kunotsvaga avo vegore... handa dzegore rakapfuura, chodzichengeta muzhizha rose, nokuti hunhu hwakapiwa naMwari. Chinofanira kurera chimwe chinhu.

¹³⁰ Zvino kana mudzimai akasaberekera murume wake mwana, achatora imbwa kana kitsi, kana chimwe chinhu. Anofanira kurera chimwe chinhu. Hunhu hwepamasikirwo. Asi kuberekera murume wake mwana, nekumuchenegetera kushumira Mwari, hazvitombori mumaitiro ake zvachose. Anofanira kudaro. Oh, anozo... Oh, anozonyara zvakadini, kana akadaro, nekuda kwesosaiti yake inoda chivi yemhando yemadzimai a 1965 uno.

¹³¹ Mufananidzo chaiwo wechechi yechimanjemanje nhasi uno! Kunyange chechi yechimanjemanje haitomboda chimwe cheizvi pano, vanosheedzera, kudanidzira, kutaura nendimi, Mabasa 2:38 vechidiki vakamukomberedza. Hongu. Hongu. Maona? Hongu. Haadi kana mumwe chete wavo kuti adanidzire, nekuchema, nekusheedzera, "Ameni! Hareruya!" Handiti, mwana akadaro anokurumidza kudzingwa kubva musangano. Vakava nemumwe akaita saiye mumachechi, handiti, vanomukandira kunze nekukurumidza.

"Sei muri kurega zvinhu zvakadaro zvichiedeka?"

¹³² Saka, munoono, akabata pamuviri pechimwe chinhu, nokuti ari kuberekera nhengo nguva dzose. Asi haadi kuti pave nemumwe wavo anodanidzira, kusheedzera, kurira, Mabasa 2:38, zvisikwa zvinosuwisa ndizvo zvaanofunga kuti vari. Zvingamunyadzisa chose. Zvaizomuvhiringidza nechechi yake yakadzidza, ine tsika, yesosaiti yesainzi yaari nhengo yayo pano. Vanozomukandira kunze, pamusangano unotevera. Haagone

kuva nazvo. Saka haadi kubata pamuviri peShoko, nokuti ndiyo mhando yega inogona kuberekwa neShoko.

¹³³ Chakaberekwa neMweya waMwari, chine Mweya waMwari machiri. Hapana kujoinha chechi zvenjere nekuenda kuzvitendwa, vhudzi rakagerwa, kumeso kwakapendwa; hakuna chinhu chakadaro maRiri rose. Hauzviwane muShoko raMwari. Unowana mwana wechinyakare, akacheneswa, akazadzwa neMweya Mutsvene, akaberekwa neMweya waMwari, achichema, kudanidzira, kusheedzera, achirumbidza Mwari.

¹³⁴ Haagone kuzvisvikira zvachose. Haadi Izvozvo. O, kwete, changamire! Kwete, zvachose. Anoitei zvino? Saka anounza “katsi” mbiri, dzakapenda kumeso, dzinopfeka zvikabudura, dzesosaiti yaJezebheri, dzehypombwe, sekudana kwavanoita, ndinofunga ndizvozvo. Maona? Ndinofunga kuti vanodzidana kuti kitsi. Maona? “Honai kitsi iri kuenda uko,” vanoti, kana chimwe chinhu chakadaro, munoziva.

¹³⁵ Akaberekwa, kana kuroorwa, ndokubatanidzwa nemurume wake wekutanga, Adhama wepakutanga, nemudzimai wehypombwe, Evha, mudzimai waAdhama wekutanga. Unoti, “Hupombwe?” Zvokwadi aiva akadaro. Asi, o, anokambira kuti Adhama uyu, Adhama uyu wekutanga, akafa. “O, chokwadi, akafa kare-kare. Ndakabarwa patsva, zvakare,” akati, “uye zvirokwazvo ndakarorwa naAdhama weChipiri, Kristu, Shoko.”

¹³⁶ Sei? Tarirai zvaanoda. Tarisai mudiwa wake, munoda kuona kuti ari murudo naani. Shoko rinotaura *Izvi*, asi akati, “Chechi yangu inotaura *izvi*.” Saka ari murudo naani? Ndiani murume wake? Zvibereko zvake zvinoratidza zvaari. Ndizvozvo chaizvo, zvinoratidza zvaari. Cherechedzai. Akazvarwa, kutanga, kuna Adhama, nokuti ndiko kuberekwa kwake kwepanyama. Maona? Zvino haana kumbobva ipapo. Iye munhu anoda zvenyika. Anokambira kuti akaberekwa kechipiri, kuna Kristu. Asi mudiwa wake, cherechedzai, achiri, Adhama, nokuti anoda nyika.

¹³⁷ Uye chimwe—chimwe chinhu, cherechedzai mhando yevana vaari kubereka. Ivo vanoratidza kuti Baba vavo ndiani, kuti ndiAdhama wekutanga here kana Adhama weChipiri. Kana Chechi ikabereka mwana waAdhama weChipiri, anozvibata nemazvibatire aAdhama weChipiri, sezvavakaita neZuva rePentekosti. Ndivo chaivo vana vechokwadi vaAdhama weChipiri. Maona? Ndizvozvo. Hunhu hwavo hwakaita sehwababa namai. Hongu, changamire. Vanasikana vake, vanopenda kumeso, vakagera vhudzi, vachipfeka hanzu dzevarume, midhebhe. Bhaibheri rakataura kuti mudzimai “asazviite.” Iye anogera vhudzi rake. “Chinyadziso kwaari.”

Unoti, “Nyarara, pamusoro pazvo.”

¹³⁸ Ndizvo zvinotaurwa neShoko. Ndiri kungonongedzera pane zvakasikwa. Ndizvo zvaanoita.

¹³⁹ Vanakomana vake, vanakomana vake vakazvarwa kubva maari, vanozembera padzidzo, kuenda kuchikoro, chimwe chikoro cheBhaibheri, soktaurwa kwazvo, imwe koreji huru yakavambwa kare, achivachechenya, nemune zvakaita sechirindiriro. Vanotsvaga masangano, vanamati kunge Kaini, vangori vehupombwe kuShoko sezvakaita Kaini; ndizvozvo, vangori vehupombwe sezvakaita Kaini, chokwadi, vatsvagi vemmasangano. Munona zvazviri?

¹⁴⁰ Mwari Havana kumbobvira vagadzira sangano. Vakagara vachipesana naro. Shoko raVo rinopesana naro.

¹⁴¹ Asi vanobatirira pariri, saka muri kuona zvavari kubereka. Zvinoratidza kuti baba namai vavo ndiani. Ndizvo chaizvo. Ndizvo chaizvo. Sekungova vehupombwe saKaini. Ndiyo mhando yemwana waakabereka kubva kuna Evha. Vakatsauka kubva paShoko, zvino tarisai zvaakabereka. Ndizvo chaizvo zvakaberekwa nechechi, chinhu chimwe chete.

¹⁴² Ndinogona kuzviratidza kwamuri, neShoko, kuti ndiko kwakabva dzidzo nekubudirira, nekuna Kaini. Ndizvozvo chaizvo. Nokuti vanokambira...Asi ivo—ivo vanozviti vanakomana vaMwari, asi vakaberekwa nesangano, vakadzidziswa nechikoro chesangano, zvimwe zvose. Ndizvo chaizvo. Vanyengeri, vane njere! Ini zvangu! Ndizvo zvaivawo nyoka, baba vavo. Ndizvozvo. Vanongori vaparidzi vanonyengera vesainzi sezvaiva Kaini. Maona? Ndicho chinhu chacho chimwe chete.

Unoti, “Hama Branham, ichokwadi here?”

¹⁴³ Vhurai kuna Genesi 4:16 muone. Dzokai kuno muna Genesi 4:16, kweminiti, muchaona zvakaitika.

*Ipapo Kaini wakabva...pamberi paJEHOVHA,
akandogara kunyika yeNodhi, kumabvazuva
kweEdheni.*

*Kaini akaziva mukadzi; wake akatora mimba,
akapona Enoki: akavaka guta, akatumidza guta, zita...
remwanakomana wake, Enoki.*

¹⁴⁴ Kudzika zasi kuna Tubhari, zvichidzika, nokuti vakatanga, kuva vagadziri vezviridzwa, mumhanzi, nezvakadaro. Budiriro yakaya naKaini, ndizvozvo, achivaka maguta, zviridzwa. Vanhu vesainzi vakaunzwa naKaini, mbeu yenyoka. Zvino cherechedzai ndima yechi 25.

Adhama akazivazve mudzimai wake;

¹⁴⁵ Zvino, akamuziva kamwe chete akabereka vana vaviri. Nzverai Magwaro. Akabereka Kaini naAbhero. Chiitiko chimwe chete, uye vana vaviri. Unoti...

¹⁴⁶ Vakandiudza, nguva shoma yapfuura, kuti hazvaigona, kuitika. Tine nyaya kuHollywood. Hollywood? Tine nyaya kuTucson izvezvi, iri mudare remhosva. Mudzimai akabereka mwana wechitema nemwana wechichena, panguva imwe chete. Vakati haagone kuzviita. Anogona kutakura mbeu mbiri dzinogona kuunza upenyu, zvakare. Vanayo mudare remhosva izvezvi. Ndinoziva kuti imbwa dzinozviita. Mhuka dzinozviita. Uye asvikapo, muchena akati, “Ndichariritira mwana wangu, asi kwete uyo.”

¹⁴⁷ Zvino mudzimai akareurura. Akararama nemurume wake mangwanani iwayo, uye nemurume wechitema masikati iwayo. “Kana zvikaitika,” chiremba anodaro, “mukati memaawa makumi maviri nemana, zvichaitika kana paine imwe mbeu ine hupenyu imomo.” Uye zvino mudzimai akazviita.

¹⁴⁸ Uye ndizvo chaizvo zvakaitika pano. Kaini kuti... Satani, mangwanani iwayo, munyoka; naAdhama, masikati iwayo. Apo iye... Zvino akabereka vana vaviri.

Zvino, Adhama akazivazve mudzimai wake (rwepiri); akabereka mwanakomana,...

¹⁴⁹ Rangarirai, hapana nzvimbo muBhaibheri pakambonzi Kaini aiva mwanakomana waAdhama. Rakati, “Aiva weuyo wakaipa,” kwete Adhama, “dhiyabhorosi.”

...*akazivazve wake (kechipiri), akaziva...uye akazova nemwanakomana, akamutumidza zita rionzni Seti: Nokuti Mwari, mudzimai akati, wandipa... (Aisava Mbeu yacho chaiyo.)...wandipa mumwe mwana pachigaro chaAdhama, zvaakaurawa naKaini. Saka...*

NaSeti, wakaberekerwa mwanakomana; akamutumidza zita rionzni Enoshi: nenguva iyo vanhu vakatanga kudana zita raJEHOVHA.

¹⁵⁰ Kwete nekuna Kaini, rudzi rwedzinza iroro, asi kubva kudzinza raSeti.

Saka, “Kaini ndiye wacho wakaipa.” Ndipo pakauya nyoka.

¹⁵¹ Zvino cherechedzai. Bhaibheri rinotaura pachena pano, kuti, “Murume wake wekutanga anofanira kufa,” kwete kungomuramba. Anofanira kunge afa.

¹⁵² Ndichangopedza kuparidza pamusoro pe*Kuroorana NeKurambana*, uye mose munoziva pamusoro payo. Handisi kutaura zvino, pamwe chete, kuungano ino pano, asi kunyaika yese. Zvakanaka. Zvino munoona zvakaitika ipapo, mune *Kuroorana NeKurambana*. Apo iyo...?...Zvisimbiso Zvinomwe zvakazarurwa, ndizvo zvakaunza Chokwadi chaicho chazvo.

¹⁵³ Saka, kuti uroorwe naAdhama weChipiri, Kristu, Shoko, unofanira kuzvipatsanura nerufu, kubva pamurume wako wekutanga wemasangano, nokuti hapana mumwe wavo anogona kutora Shoko rese raMwari. Chingondiratidza kwaari iyeye. “Oh,” unoti, “wangu.” Mumwe muchinda anoti wakewo, zvakare. Vaise pamwe chete, uye uchaona kuti vese vaviri vakarasika, paunongoita sangano. Verenga Zvakazarurwa 17. Saka, unoona, unofanira kufa kubva pachinhu ichocco.

¹⁵⁴ Zvino, handisi kutaura kuungano iyi yepano. Ndiri kutaura kumunhu wese munyika yese. Unofanira kufa kumurume wako wepakutanga. Kana wakabatanidzwa naKristu uchiri wakaroorwa kusangano, uri mhombwe. Uri Raodhikia.

¹⁵⁵ Chechi iri munyika yese, tiri kutevera Jesu Kristu, Shoko. Kuti uve muMwenga, unofanira kunge wakaroorwa patsva kuShoko raMwari, ranova Kristu. “Pakutanga kwaiva neShoko; Shoko rakanga riri kunaMwari, uye Shoko rakanga riri Mwari. Uye Shoko rakaitwa nyama rikagara pakati pedu.”

¹⁵⁶ Kana bedzi uchingoramba wakabatirira patsika dzevanhu dzemasangano, unionzi, muShoko raMwari, “mhombwe.” Chero bedzi uri mutsvagi wezvitendwa zvemasangano, uri nhengo yechechi yesangano rinoramba Shoko, uri “mhombwe,” ndizvo zvakataurwa neBhaibheri.

¹⁵⁷ Jesu wakati, “Haugone kushumira vanamwari vaviri panguva imwe chete. Unongoshumira Mwari kana kuti pfuma.” *Pfuma i “nyika.”* “Uyo anoda nyika, kana zvinhu zvenyika, rudo rwaMwari harwusi maari.” Mbeu yaMwari haigone kuva maari panguva imwe chete (rudo rwaMwari) rudo rwenyika rwurimo imomo. Kana Mbeu yaMwari ichibata nemauri, ndiro Shoko raMwari. Rudo rwepanyika harugone kuva imomo panguva imwe chete. Zvino riripi vhudzi rakagerwa, nezvikabudura, nezviso zvakapendwa? Zvino zviripi?

¹⁵⁸ Haugone kuva wakatendeka kuna Kristu, Shoko raMwari, woshumira sangano rakagadzirwa nevanhu panguva imwe chete. Zvinopesana neShoko. Pauro akataura pano. “Papi?” VaRoma 7.

¹⁵⁹ Zvino haungatombobereka vanakomana vaMwari, veShoko raKe, kuboka iri resangano rehupombwe. Haugone kuzviita. Muchirindiro chako, haugone kubereka mwanakomana weShoko raMwari. Ndiri kutaura kuchechi. Asi munongokambira kuva vanamati. Ndizvovo zvaiva Kaini, mwanakomana wechipfeve Evha, aiva akanyura muzvinamato, akavaka maartari ndokupirisa zvibairo, ndokubhadhara chegumi chake ndokuita zvose zvingaitwa nemumwe munhu wese anonamata. Asi akatadza kuchengeta Shoko iroro. Akatadza kubata chizaruro.

¹⁶⁰ Zvino chizaruro ndicho chinhu chega, kuzarurwa kweShoko. Chii icho... Chizaruro chii? Jesu akati, “Padombo

iri ndichavakira Chechi yaNgu, uye masuwo ehadhesi haangatongoIkurire." Kutenda chizaruro; nokuti Kutenda kwakazarurwa kwauri.

¹⁶¹ "Abheri, nekutenda, akapira nechizaruro (Kutenda), akapa kunaMwari chibairo chakanaka kudarika chaKaini."

¹⁶² Kaini aifunga kuti vakadya maapuros. Vachiine pfungwa iyoyo, asi handizvo. Hwaiva hupombwe, mbeu yenyoka. Zvino paya Zvisimbiso Zvinomwe pazvakazarurwa, zvakazvireva nokuzvisimbisa. Bhuku rangu richangobuda pamusoro pazvo. Ndinofunga kuti tine chiuru pano zvino. Maona? Cherechedzai. Zviri Mumagwaro, kubva munaGenesi kusvika kuna Zvakazarurwa.

¹⁶³ Panguva yekuguma, miti yose miviri iri kuuya kumbeu nekuzviratidza. Hepano patiri, iye nhasi, Raodhikia neMwenga, zvakanyatsojeka nekunaka sezvazvinogona kuva muMagwaro, uye zviri pamberi pezviso zvenyu chaipo. "Haugone kushumira Mwari nenyika." Haugone kuva Mukristu ane hunhu anotenda Bhaibheri wozvibatanidza nezvinhu zvemasangano. Haugone kuzviita panguva imwe chete. Mumwe anofanira kufa, oita kuti mumwe wacho ararame.

¹⁶⁴ Haugone kunyange kubereka mwanakomana weShoko raMwari. Kunyange chechi haigone. Havadi kana mumwe chete weavo, vana vanochema, vanodanidzira nekutaura nendimi, nezvinhu zvose izvozvo. Ivo, haugone kuita izvozvo muchechi yesangano. Havakude. Havavaunze saizvozvo. Vanovatora vovakwazisa maoko zvino voti, "Kana uchitenda, unaWo. Chero wangoissa zita rako mubhuku bedzi, ndizvo zvega zvaunofanira kuita." Maona? Ivo—ivo vana vehupombwe kuShoko, vachiri kungokambira kuva vanamati.

¹⁶⁵ Saka, kubata pamuviri penjere neruzivo rwaSatani, ndizvo zvaita chechi! Vanotumira vanhu vavo kuchikoro, kuti vanodzidzira matauriro anoitwa "ameni" zvakakanaka. Vanodzidza kutaura zvinhu zvose izvi, vova vananyanjere. Chii? Kupihwa pamuviri nadhiyabhorosi. Satani akapa Evha pamuviri nei? Kusatenda Shoko, kune venjere, vananyanjere, uye zvakavhiringidza zvisikwa zvose. Ndizvo chaizvo zvayaita muShoko nhasi, chechi. Yazviwanira pamuviri nezvikoro nemakoreji eBhaibheri nhasi, nezvinhu zvakadaro, kuverenga, kunyora, svomhu, uye hapana zvavanoziva pamusoro paMwari semuHottentot pamusoro peusiku hwemuEgipita. Vanoziva zvitendwa zvavo zvose, mabhuku emunamato, nezvimwe zvese, asi hapana chavanoziva pamusoro paMwari.

¹⁶⁶ Vanoziva panosimbiswa Shoko, Mwari pavakataura kumashure uko ndokupa Shoko raVo kuzera rega-rega sekuuuya kwavo. Hepano pakauya Nowa, uye akaparidza chizvarwa ichocco.

¹⁶⁷ Zvino, ko dai Mosesi akauya, oti, “Ngativakei areka”? Ainge asarira kumashure chose. Asi aiva muporofita. Aiva zvakazarurwa yaMwari.

¹⁶⁸ Mwari vakazvisimbisa kuva Chokwadi. Vakatora ndokuunganidza vana, kubuditsa Israeri, ndokuratidza Shongwe yeMoto pamberi pavo, ndokusimbisa muporofita; ndokutaura chaizvo izvo zvaVaizoita, uye Vakazviita.

¹⁶⁹ Vakati, “Mwari ngavasataure. Regai Mosesi ataure, tingafe.”

¹⁷⁰ Akati, “Handichazotaura kwavari nenzira iyoyo zvakare, asi ndichavatumira vaporofita, uye ndivo vachataura.”

¹⁷¹ Hapo paiva pakamira Isaya, akati, “Mhandara ichabata mimba.” Murume akaita saiye muzuva iro... Ko mhandara ichabata mimba sei? “Kwatiri kwaberekwa Mwanakomana: Mwana aberekwa, tapihwa Mwanakomana. Zita rake richadanwa kunzi: Gota, Muchinda weRugare, Mwari Samasimba, Baba Vokusingaperi. Pachigaro chababa vaKe, Dhavhidhi, Achatonga. Pachange pasina magumo kuHumambo hwaKe.” Ko zvichaitika sei? Aisaziva. Akangotaura bedzi zvakataurwa naMwari. Zvinopfuirira kufungidzira kupi zvako, kwenjere. Zvinopfura kunzvera kupi zvako kwesainzi. IShoko raMwari.

¹⁷² Zvino tinodzidzisa vadzidzi vedu vamaseminary dzidzo dzakasiyana-siyana dzeBhaibheri nezvinhu zvakadaro, dzidziso dzakaitwa nevanhu, ine boka rechechi riri Raodhikia chaiyo, sezvakataurwa naMwari kuti zvaizova. Oh, ini zvangu! Pandinotarisa izvozvo, uye zvoita kuti ndidedere. Kubata pamuviri nemaonero enjere! Unofanira kuva wakafunda kuhigh school usati watombopinda. Unofanira kuva... unofanira kumira pamberi pachiremba wepfungwa usati wagona kugadzwa.

¹⁷³ Ungafungidzira here Petro, Jakobho, naJohane vachienda pamberi pachiremba wenjere? Rangarirai zana nemakumi maviri kumusoro kuya, vaisatombogona kana kunyora mazita avo? Kumira pamberi pachiremba wenjere, kuona kana ivo... kana kwese kwavo... kana kudavira kwavo kwanga kwakanaka zvakakwana, nezvakadaro? Vaiva nekudavira kwemuviri, asi zvaisava maonero enjere kana kunzvera kwesainzi. Zvaiva kubudikidza neSimba raMwari. PaRakavarova, hapana chimwe chavakaziva kuita kunze kwekungoita zvavakanza neMweya Mutsvene vaite. Havana kumboteerera kunaani zvake nyanjere, zvakataurwa nechechi, uye zvakataurwa nevaprisita, zvakataurwa nauyu, zvakataurwa neuyo. Vakafamba neMweya; varume vasina kutya.

¹⁷⁴ Johane weKutanga 2:15, Akati, “Kana uchida nyika, kana zvinhu zvenyika, rudo rwamwari harutombori mauri.” Maona? Saka unogona sei kubata pamuviri peShoko raMwari

rinopomera nyika, rinopomera Hollywood, rinopomera fashoni yayo yose, rinopomera mapati ese aya nekuendeka, nezvavanoti vanoita muzita rechinamato? Rinozvipomera. Ko Shoko ringapa munhu pamuviri sei: ko mukadzi akagera musoro, akapenda kumeso, nokupfeka zvikabudura?

¹⁷⁵ Ko muparidzi, angaenda sei kunze uko kuseminari, otarisa Mabasa 2:38 oona kuti hapana munhu muBhaibheri akambobhabhatidza nemadunhurirwa iwayo, uye oramba achiti ane pamuviri peShoko raMwari? Ari kukuudza manyepo! Akatengesa hudangwe hwake. Akaita hupombwe zvinopesana neChinhu chaicho chaakataura. Akarambwa, mukurambana.

Mwari vachazova neChechi ine hunhu, chaizvoizvo, Mwenga.

¹⁷⁶ Bhaibheri rakati, “Shoko harisi mauri.” Saka vana rudzii vauri kubereka? Kupihwa pamuviri nemasangano. Hapana kumbova nerufu rwekukupatsanura kubva pamudiwa wako wekutanga.

¹⁷⁷ “Vana Jones vanozofungei kana ndikatanga kuchema nekutaura nendimi? Vanofungei kana ndikabhabhatidza patsva?” Hazvina kana maturo! Wakaroorwa nevekwajones here? Kana kuti, wakaroorwa nechechi here? Kana kuti, wakaroorwa here naKristu, Shoko?

¹⁷⁸ Zvino, ndokusaka ichiri kubereka vana vake. Ine vana vakaita sei? Heano mamwe emazita avo avanodana nhasi: kitsi, zvimbuyu, zvidhanana, vanaRicky, vanaRicketta. Kitsi, zvimbuyu, inhengo dzechechi. Chokwadi. Vose vanakomana vake, vanakomana vaKaini, vanova vana vechikara chinonyengera, vakatsetseka sekukwanisa kwavo kwese.

¹⁷⁹ Zvino nyatsotarisa kwechinguvana, nemeso ako epamweya, pamwoyo wako. Chingotarisa pakakupoteredza. Ndiri kutaura kunyika yose zvino. Tarisai kwemaminitsi mashoma, imi kunze uko kuBranham Tabernacle, imi kumatabhenakeri ari kuWest Coast, neArizona, neKumwe kwese kwamuri. Zvitarisei kwemaminitsi mashoma. Unoti, “Mharidzo iyo yamuri kuparidza, Hama Branham, handizvo.” Zvitarise pachako zvishoma. Rega Mweya Mutsvene unzvere mifungo yako neShoko, uchawirirana neMharidzo. Tondera Kristu, Shoko rakazodzwa, rinzvere hana yako. Murege apinde mauri, uone kuti ndiZvo here kana kwete. Uye chingori chinhu chimwe chete bedzi kana zviviri zvandareva, ipo paine mazana azvo.

¹⁸⁰ Bhaibheri rinowirirana here nekuti mukadzi agere vhudzi rake? [Ungano inoti, “Kwete.”—Mupepeti.] Bhaibheri rinotenda here, kuwirirana nerubhabhatidzo rwemuhutatu, muzita ra “Baba, Mwanakomana, Mweya Mutsvene”? [“Kwete.”] Hapana zvakadaro. Bhaibheri rinowirirana here nemukadzi kuti apfeke hanzu dzemurume? [“Kwete.”] Zvakanaka, chingotorwa zvitatu

izvozvo, ipo paine mazana mamwe. Zvinzvere muChiedza cheShoko raMwari.

¹⁸¹ Unoti, “Ndiri nhengo yechechi.” Ndizvo zvaivawo Kaini. Ndizvo zvaivawo Evha. Bhaibheri rakafanotaura, mumazuva ekupedzisira, kuti Raodhikia ichava zvime chetezvo.

¹⁸² Rega Mweya Mutsvene unzvere hana yako, uye uchawirirana naDhanieri 5:12. Mambokadzi paakauya pamberi paBherteszazari, akati akaona kuti kwaiva nemuporofita, Dhanieri, aiva pakati pavo, uye aiva munyungudutsi wekupokana. Iwe tendera Mweya Mutsvene. Ndiye Muporofita wezuva rino. Murege apinde mumoyo wako iye zvino onzvera neShoko raMwari, uye kupokana pamusoro peMharidzo kuchanyungudutswa kwese. Anonyungudutsa kupokana kwese. Unoona kuti, zvinyatsori paShoko rezuva rino.

¹⁸³ Haugone kuparidza mharidzo yaRuther nhasi. Inopinda maIri, asi ingori tsoka. Uh-huh. Uh-huh. Haugone kuparidza mharidzo yaWesley. Haugone kuparidza mharidzo yePentekosta. Tanyatsa kupfuura izvozvo. Vakaita sangano vakafa. Ivo idzinde.

¹⁸⁴ Dzinde rakauya netsuri, ndicho chinhano chekutanga chechechi. Zvino, nokuti hazviratidzike sembeu yekutanga yakapinda muvhу, gorosi.

¹⁸⁵ Chepiri chakauya mukume. Iwoyo zvakare hauratidzike segorosi. Unoratidzika zviri nane sayo. Iri kuswedera pedyo nechimiro chaicho chegorosi. Asi tsuri hadziratidzike zvachose segorosi rakapinda muvhу. Mutakuri wehupenyu hwaiva mugorosi. Asi wakaitei? Wakaita sangano, sekungopindana kunoita zvime zvisikwa zvese nawo. Wakafa.

¹⁸⁶ Zvadaro zvodini? Hupenyu hunomhanya huchipinda mumuchekechera. Hwava netumabhora tudiki—tudiki twakawanda twakarembra pauri, tunoratidzika setutsanga tudiki—tudiki mauri. Zvinoratidzika segorosi rechokwadi, asi harisi.

¹⁸⁷ Zvino hunodzika kupinda muchikwande. Zvino unounzei? Chikwande.

¹⁸⁸ Zvino, iwe tora mbeu yegorosi, gorosi parinotanga kubuda. Jesu akati, “Mbeu yegorosi...” Zvino iwe wotoro gorosi iroro worivhura. Unoritanha kubva padzinde. Woritarisa. Unoti, “Tine tsanga yegorosi.” Ngwarira. Rakangofanana negorosi, asi hapana kana chidimbu chegorosi mairi. Chikwande.

¹⁸⁹ Havo maPentekosti, “Chaizvo,” sezvakarehwa naMateo 24:24, “kunyengera Vasananangurwa mumazuva ekupedzisira, dai zvaibvira.” Asi ukangovhura shizha rimwe nerimwe, hauna gorosi. Gorosi riri kuseri chaiko kwacho. Maona?

¹⁹⁰ Zvino hupenyu hunobuda kubva musangano iroro, hwopinda mumbeu. Zvadaro chii chinoitika? Gorosi parinotanga

kukura, richikura kuitira kuti Rikwanise kufukidza chimwe chinhu, sangano rinobva kwaRiri. Sei tisina sangano kubva pane Iyi? Harizombovapo. Imbeu. Hakuna kumwe kwaichagona kuenda. Tave panguva yekumagumo. Saka Inofanira kuita sei zvino? Kurara muhupo hweMwanakomana, kuti iibviswe, ndizvo chaizvo, Shoko kuti riibviswe mumwoyo wako, kuti ribereke nekurarama zvatiri kutaura pamusoro pazvo. Hongu, changamire.

¹⁹¹ Zvino hauzombova nekupokana, kana ukaita kuti Mweya Mutsvene uRizarure kwauri, sezwakataura mambokadzi pamusoro paDhanieri.

¹⁹² Unogona kuti, “Ko zvese izvi zvine chii chekuita nekupa kutenda? Muri kutaura pamusoro pei, Hama Branham? Hezvino, quarter to nine. Hapana chamambotaura pamusoro pekupa kutenda.” IMharidzo yakadini kuchiitiko, kwandiri! Hongu, zvirokwazvo.

¹⁹³ Madzibaba epakutanga vaipa kutenda kukuru nokuda kwenzira itsva yehupenyu yavakanga vawana. Kuve vakapatsanurwa kubva kumasangano nezvitendwa zveChirungu chakare, vakange vokwanisa kuchiroorwa kuShoko idzva renguva yavo; ndizvozvo, Shoko idzva rakazodzwa rezera ravo, muzuva ravo.

¹⁹⁴ Saka tinokwanisa kupa kutenda, sevafambi, saAbrahama, takazvipatsanura kubva kuzvinhu zvenyika, vatinobata navo vose. Abrahama aiva mufambi. Mware vakatipatsanura kubva kuzvinamato zvese zvakafa. Ndiri kutaura kunyika yese zvino, zvitendwa zvese zvakafa. Uye kuchii? Vakatipatsanura, ndokutizarurira nyika itsva, Mharidzo itsva yezuva rino.

¹⁹⁵ Pentekosti yakaoma ndokufa, sezwakaita Ruther, Wesley, nevamwe vese. Zvangova boka remachechi akabatana pamwe chete. Vanhu vakanaka vari imomo, asi, vanofanirwa kubuda.

¹⁹⁶ Akaitei? Akazarura Zvisimbiso Zvinomwe zveMharidzo yekupedzisira. Mazvicherechedza? Zvisimbiso Zvinomwe, izvo, zvakavanzika zvese zvamazera manomwe echechi zvanga zvakasimbisa neZvisimbiso Zvinomwe. Vavandudzi vakanga vasina nguva yekuzviita mumazuva avo. Havana kurarama nguva yakareba zvakakwana. Asi chizaruro ichi chakaropafadzwa cheZvisimbiso Zvinomwe, chakazarurwa kwatiri mumazuva ano ekupedzisira, kubva pachiporofita chakapihwa chekuArizona.

¹⁹⁷ Kubvunza Mware kwandakaita, rimwe zuva, “Muri kuitei nenii kunze murenje muno?”

¹⁹⁸ Maiziva here kuti Mosesi akanyora Testamende Itsva... kana kuti Testamende Yakare? Zvirokwazvo akadaro. Mabhuku mana ekutanga anopa murawu wezvose: Genesi, Eksodho, Revhitiko, naDheuteronomio. Akanyora Testamende Yakare.

Kuita izvozvo, aifanira kusiya vaaiyanana navo nevadikanwa, oenda mugwenga.

¹⁹⁹ Pauro akanyora Testamende Itsva. Ndizvozvo chaizvo. Akanyora vaRoma, nevaRoma neImwe yacho yose, vaHebheru naTimotio, nezvakadaro. Uye kuita izvozvo, aifanira kuzvipatsanura, nekudzika kupinda muArabia, mugwenga, kwemakore matatu, owana chizaruro chaMwari.

²⁰⁰ “Oh,” unoti, “ko Mateu, Marko, Ruka, naJohane?” Vaiva vanyori vaingonyora zvakaitwa naJesu.

²⁰¹ Pauro akapatsanura ndokubatanidza Shoko pamwe chete. Ndizvozvo. Zvakanaka, zvadaro, tarirai, kana zvakatora kudaro, uye nekutoenda mugwenga, kure nevadikani vavo . . .

²⁰² Rangarirai iya, *Inguvai, Changamire?* Vangani vakamboinzwa? Itai, “Ameni.” [Ungano inoti, “Ameni.”—Mupepeti.] Yaiva yakananga chaizvo here? [“Ameni.”] Zvino tine chizaruro muzuva rino rekupedzisira, cheMharidzo yaIshe Mwari kuunganidza Mwenga waKe pamwe chete. Hapana rimwe zera yazvakamboimbiswa. Zvakavimbiswa muzera rino: Maraki 4, Ruka 17:30, Mutsvene Johane 14:12, Joere 2:38. Vimbiso idzodzi dzakangofanana naJohane Mubhabhatidzi akazvizivisa nemuMagwaro.

²⁰³ Jesu akaZvizivisa. Vakati kudini? “Dzingai munhu uyu!” “Johane mupengo.” Chechi haina kugona kuzvigamuchira. Ndiyo patani yacho. Kunyange chechi nhasi haisi kuzvigamuchira.

²⁰⁴ Asi, kuVasanangurwa, Mwari vari kudanira kuVasanangurwa. Vanozviziva: kudana Mwenga ane hunhu hwakanaka, Shoko, Chechi yenguva yekupedzisira, Mudzimai akasanangurwa waIshe wedu Jesu Kristu, Shoko. Kana . . . Jesu iShoko. Vangani vanozvitenda? [Ungano inoti, “Ameni.”—Mupepeti.] Zvakanaka. Zvino, Mwenga wagara uri chikamu cheChikomba, saka Mwenga hauzova sangano. Unofanira kuva Shoko, rakaratidzirwa, kuva Mwenga waKristu. Vakavimbisa kuzviita. Vakataura maitiro aVakaita. HaAmboshandise . . . kurasakiwa nepatani yaKe. Akagara Achizviita nepatani. Akazviita, nguva dzose, nepatani iyoyo. Ari kuzviita zvakare, kudanira Mwenga waKe akarurama muzuva rekupedzisira, Rebheka akaisvonaka akamirira Isaka waKe. Inguva yakaisvonaka zvakadini!

²⁰⁵ Hepano zvinoisa pachena, mabhuku maviri achava chakavanzika kwamuri pamuchaverenga bhuku reMazera *Manomwe EKereke*. Mabhuku maviri: Bhuku reHupenyu, zvikanzi, mumwe anoti ukaisa zita rako, hauzombodzimwa; mumwe woti unobvisa zita rake muBhuku reHupenyu. Izvi zvinonyatsa kuzviisa pachena, pano chaipo. Ndichambomira

kwemaminitsi mashoma, zvichida, pamanotsi mashoma pano, tobata izvi tisati tavrha.

²⁰⁶ Hupenyu chinhu chinokosha, kunaMwari, uye hunonyorwa mubhuku. Mwari ndiye Muvambi wehupenyu. Munozvitenda here? [Ungano inoti, "Ameni."—Mupepeti.]

²⁰⁷ Hupenyu hwedu hwepano pasi, hwatinaho, hwakangotsveyamiswa. Chaizvo hunofanira kunge huri iwo hupenyu hwakafanira, kubva pakutanga, asi hwakatsveyamiswa nekuberekwa kwepanyama. Hupenyu hwepakutanga, kana kuti kubatanidzwa kwako kweikutanga, wakabatanidzwa pawakazvarwa, panyama, nechiito chepanyama. Kubatana kwepanyama kwevanhu, murume nemudzimai pamwe chete, vachibatana pamwe chete mukusangana, kwakaunza hupenyu hwako hwepakutanga pano, uye hunobatanidzwa nechivi nerufu. Ko ungatadza sei kuona mbeu yenyoka?

²⁰⁸ Paunoona mudzimai, akabva pamurume; hapana chimwe chisikwa chikadzi chakaita saye; akagadzirwa nenzira iyoyo, achiziva kuti aikwanisa kunyengerwa. Mwari vaizviziva. Dai Vaisaziva magumo kubva kumavambo, zvino Vaisava Mwari. Dai Vasina magumo, dai Vasiri... Uye haVagone kuva vasina magumo ivo vasingazine zvose, vari kwese, nokuziva zvinhu zvose, Wokusingaperi. Saka Vaiziva zvinhu zvose, uye Vaifanira kugadzira mudzimai iyeye.

²⁰⁹ Murume akanga asina mudzimai. Mudzimai nemurume vaiva chinhu chimwe chete. Murume aiva nehunhu hwechidzimai nehwechirume maari.

²¹⁰ Aitofanira kupatsanura, obvisa mudzimai, mushure mekusikwa kwese kwapera. Hapana chisikwa chikadzi chakasikwa naMwari, pakusika kwepakutanga, chinogona kuita chinhu chakadaro. Akagadzirwa akadaro, kuti azviite. Vaiziva kuti mudzimai aizodaro. Dai Vasina kudaro, Vaisava Mwari.

²¹¹ Asi, munoona, zvizenga zviri muna Mwari zvaifanira kuratidzwa. Ivo—iVo vaizova Muponesi. Uye kuita kuti zvinhu zvese zviringane, nenzira yaVaiva nayo, zvino hapana chaizorasika. O, musava vana. Ivai varume nemadzimai. Tiri pamagumo enzira. Cherechedzai.

²¹² Zvino, zvaiva zvemasikirwo, zvabatanidzwa nerufu. Murume wako wekutanga, uyo aikutonga, waiva hunhu hwako hwepakuzvarwa panyama. Pamasikirwo, unoda nyika nekuti uri nyika, uye chikamu chenyika. Ndizvo here? [Ungano inoti, "Ameni."—Mupepeti.] Zvishuwo zvako, pamasikirwe, kwaiva kuda nyika iyo yauri chikamu chayyo. Uri chikamu chezvisikwa. Unozvitenda here? ["Ameni."] Uye ndiwo masikirwo ako.

²¹³ Ndicho chikonzero uchifanira kuberekwa patsva. Unofanira kupatsanura; unofanira kufa kumurume uyu wekutanga. Haugone kurarama naye. Haugoni kungoti,

“Zvakanaka, ndichamuramba, ndomurembedza apo kusvikira chimwe chiiitiko.” Kwete, changamire. Hapana chinyorwa chekurambana! Anofa. Hunhu hwenyi ka hunofanira kufa. Chidimbu chose chake chinofanira kufa. Unofanira kubatanidzwa, zvakare, nehumwe Hunhu.

²¹⁴ Zita rako rehunhu hwako hweikutanga, rakazvarwa, rikaiswa mune bhuku reupenyu. Uye mabasa ako ese akanyorwa mariri, zvakare. Zvose zvawakaita nehunhu ihwowo zvakaiswa mubhuku, rionzi bhuku reupenyu.

²¹⁵ Munocherechedza, muna Dhanieri, paainge ari kuzouya kune uyo “Akwegura paMazuva, Aiva nehudzi rakachena semakushe. Zviuru gumi zvakapetwa nezviuru gumi vakauya naYe, kuzoMushumira; Mwe—Mwenga. Zvino mabhuku akazarurwa.” “Uye rimwe Bhuku rakazarurwa, raiva Bhuku reHupenyu.” Maona? Kuna vatsvene vatoriko nechekare, Chechi, Mwenga. “Rimwe Bhuku rakazarurwa, ranova Bhuku reHupenyu.”

²¹⁶ Zvino, iwe, asi pawakapatsanurwa kubva pakubatanidzwa uku, nerufu rwepamweya: Chishuwo chako chepanyama ndecekugera vhudzi rako. Chishuwo chako chepanyama ndecekupfeka zvikabudura, kupenda kumeso kwako. Chishuwo chako chepanyama ndeckeleva nyanjere, munhu akachenjera, anoziva chimwe chinhu zviri nane kupfuura mumwe. Ndizvo zvaidiwa naEvha. Ndicho chinhu chimwe chete chaaida.

²¹⁷ “Zvino, iwe! Kamuparidzi kasina maturo, muparidzi wenhando, ungamira pamusoro apo uchindiuzei? Ndine Ph.D., LL.” Zvinotowedzera kukubvisa panaMwari, nguva yese yaunowedzera chimwe chinhu. Maona? Maona? Ndizvozvo. Ichokwadi. Maona?

²¹⁸ Ndizvo zvakatorwa naEvha. Akabata pamuviri nemhando iyoyo yemimba. Ndizvo zviri chechi nhasi, kubudikidza nezvikoro zveBhaibheri nevananyanjere. Uye, tarisai, munhu wese achipesana nemumwe, nyonganyonga huru chaizvo zvakataurwa neBhaibheri, “Bhabhironi.”

²¹⁹ Mwenga anoziva paAkamira. Vanhu vashoma kwazvo. Hapasi kuzoponeswa vakawanda; vanongova vashoma, vashoma, vashomanani kwazvo. Unoti, “Ko wani, apo, zvanzi, ‘zviuru.’” Hongu. Asi vakauya nemumakore zviuru zviviri, zvakare, muzera rega-rega raYakabuda. Kumbo . . .

²²⁰ Zera raRuther neboka iroro; uye ndokuzofa, vakaenda, vakaita sangano; zvadaro Whisiri; zvino ndokuzouya mapentekosti, nezvakadaro. Uye nemapazi madiki ese eBaptisti, Presbyteriani, Methodisti, Nazarene, Pilgrim Holiness, nezvakadaro, munoona, vose ivavo vakaita mapazi akabvapo seshizha.

²²¹ Asi, munorangarira, payakadzika, gorosi rikatanga kuibva, muchaona kuti, gorosi iroro risati raibva, chinhu chese chiri mudzinde iri chinofanira kufa. Hareruya! Hamusi kuona patimire here? Hupenyu hwave mugorosi zvakare. Chii? Chaizvoizvo setsanga imwe chete yakapinda muvhу, Jesu mumwe chete muchimiro cheMwenga, simba rimwe chete, Chechi imwe chete, chinhu chimwe chete, Shoko rimwe chete. Shoko rimwe chete rakasvetwa nemune ava zvino ndokubudira kuno, ndokuzouya kumusoro kuno. Uye Hupenyu hwese hwakapfuura nemuno, hwakanhonga vanhu vahwo. Zvino zvava kuumbika kuva musoro, kuitira Kubvutwa. Tichataura nezvazvo mangwana manheru, kana husiku huchatavera, ihwowo, Ishe vakatendera.

²²² Zvakanaka, wakapatsanuka kubva pakubatana kwako kwepakutanga, kubudikidza nerufu rwePamweya. Zvino wakaberekwa patsva, kana kuti kuroorwa zvakare, kune kubatana kwepamweya kutsva; kwete kweHupenyu hwako hwepanyama hwezvinhu zvenyika, asi kweHupenyu Husingaperi. Chizenga icho chaiva mauri pakutanga, chakakuwana.

²²³ Zvino, bhuku rako rekare rakaenda, nekubatana kwako kwebare. Zvino, zita rako mune rako rakare, mune rako... rakatamiswa. Zvino, unoti, "Munoreva kundiudza kuti bhuku rangu rakare..." Mwari vakariisa muGungwa raVo reKanganwiro. Wakamira wakarurama pamberi paMwari.

²²⁴ Zvino, zita rako rava muBhuku itsva; kwete mubhuku rehupenyu, asi Bhuku reHupenyu reGwayana, vakadzikinurwa neGwayana. Kwete bhuku rekare rekubatana hwepanyama, asi hwako hutsva, Mwenga. Hareruya! Hupenyu hwako hutsva huri muBhuku reHupeyu reGwayana, gwaro rako remuchato, hareruya, apo chizenga chako chaicho chemuna Ziendanakuenda, kubva pamavambo, chakabatirira. Zvino hauna kungoregererwa bedzi, asi wakaruramiswa. Girori! "Kururamiswa," vaRoma 5:1 rakati. Hongu. vaRoma 5:1 inoti, "Naizvozvo takaruramiswa nekutenda."

²²⁵ Nzverai shoko racho. Izwi iroro harirevi kuti kuregererwa. Shoko iroro rinoreva kururamiswa. Harireve kuti waregererwa.

²²⁶ Tomboti, wanzwa kuti ndanga ndakadhakwa ndo—ndokuita zvinhu zvakaiipa, nezvose. Zvino wouya kwandiri, wotaaura kwandiri. Wonna kuti handina kumbozviita, zvino wouya, woti, "Hama Branham, ndinokuregererai." Kundiregerera? Handina kumbozviita, pakutanga. Maona?

²²⁷ Zvino, kana ndiri ndakazviita, ndine mhosva. Asi waikwanisa kundiregerera, uye ndaisazova nemhosva. Asi zvakadaro handina kururamiswa, nokuti ndakanyatsozviita.

²²⁸ Asi izwi rokuti, *kururamiswa*, zvakangofanana nekuti hauna kumbozviita. Ameni. Hazvitombocherechedzwi, zvachose.

Zvinoitwa sei? MuBhuku raMwari reGungwa reKukanganwira, bhuku rako rakare nemuchato wako zvakarambwa uye zvakafa, uye hazvitombori mundangariro dzaMwari. Ameni. Wakaruramiswa. “Naizvozvo takaruramiswa.” Raipomerwa mhosva. Waipomerwa mhosva. Hauna kumbobvira wazviita, pakutanga. Kubatana kwakare kuri muGungwa reKukanganwira raMwari. Hauna kuroorwa kwariri, pakutanga. Iye, Chikomba, akatakura kunyadziswa kwako, paChake, kuitira iwe, pachinzvimbo chako. Akatora nzvimbos yako, nokuti wakatemerwa kwaAri, kuzova muMwenga waKe, nyika isati yavambwa. Bhabheri rakadaro. Uri Mbeu yakafanotemerwa.

²²⁹ Ko wakasvika sei kune izvi? Wakanyengerwa kwauri nemuchato wako wekutanga, kune muberekwa kwakorepemba, Evha. Haisi mhosva yako. Nekuberekwa kwako kwepanyama, wakatevera Evha, uyo akaita hupombwe. Ndicho chikonzero wakaberekwa uri mhombwe. Uri mutadzi, kubva pakutanga. Ndizvozvo chaizvo. Wakanyengerwa mazviri. Waiva usina... Kwete, iwe, haisi mhosva yako.

²³⁰ Hauna kumbozviita. Nokuti, chizenga chidiki icho chaiva mauri, chaizova iwe, nyika isati yavambwa. Mwari vakaisa zita rako muBhuku reHupenyu reGwayana.

²³¹ Sekanyaya kangu kechapungu, mese makakanza. Huku... Murimi wakare akarindirisa huku—huku, imwe nguva. Saka akanga asina huku dzakakwana kunze... mazai ekuisa pasi pehuku. Saka zvadaro akawana zai rechapungu, uye ndokuriisa pasi payo. Chapungu pachakaberekwa, chaiva huku yairatidzika zvinosetsa yati yamboonekwa nehuku idzodzo, kachapungu kekare kachingoenda mberi. Uye huku yaiti, “Kwiyo, kwiyo, kwiyo, kwiyo.”

²³² Chapungu chidiki chikati, “Handizive kuti ruzha urwu rwunorevei, asi ndichangomutevera, zvakadaro.”

²³³ Zvino vakabuda pachivanze ndokutanga kutsvara mirwi yemanyowa. Uye huku ndokuti, “Kwiyo, kwiyo, kwiyo. Izvi zvakaisvonaka. Izvi zvakaisvonaka. Iwe joinha yedu. Uye izvi ndizvo...”

²³⁴ Chapungu chidiki chiya, chaisagona kudya zvinhu izvozvo. Maona? Chakango—chakangoenda mberi nehuku nekuti chaisaziva. Chaisaziva zvekuita. Zvino yakabuda kunze ikoko, uye yaizowana *ichi* kana *icho*. Zvino chapungu chidiki chakango... chaitongofanira kuzvimedza, asi cha—chaisaziva kuti chozviita sei. Asi chakanga chachiona huku dzese idzi dzichizviita, asi pane chimwe chinhu chakasiyana. Chaisazvifarira.

²³⁵ Saka, rimwe zuva, amai vaiziva kuti vakakandira mazai maviri. Saka vakatanga kutsvaga rimwe racho, vachibhururuka

vachitenderera, vachitsvaga, seMweya Mutsvene mukuru. Rimwe zuva vakabhiruruka nepamusoro pechikwere ichi, sangano riya. Vakatarisa zasi ipapo, ndokuona mwana wavo. Vakadanidzira. Raiva Inzwi rechimwe chinhu chaidavira kubva pakadzika maari. [Chibenga patepi—Mupepeti.] Oh, Izvi zvinonzwika zvakanaka! Oh! Regai chizenga chemazvirokawazvo chakafanotemerwa ndokuzvarwa, chakafanotemerwa naMwari, chinzwе Shoko raMwari, Iro mumhanzi kwaari. Anoziva kuti IChokwadi.

²³⁶ Aneta nezvinhu zvemasangano, zvakadaro, “Tijoinhe. Huya, enda nesu. Tine pati yesosaiti. Tine *izvi*. Tine...” Hazvina kungonzwika zvakanaka, kune kamuchinda aka.

²³⁷ Chikati, “Mwanakomana, hausi weboka iroro, zvino. Uri wangu. Uri wangu.”

²³⁸ Akati, “Amai, zvinonzwika kuti mazvirokawazvo. Ko ndingabudawo sei?”

²³⁹ “Chingosvetuka. Ndichakubata.” Uh-huh. Ndizvo zvega zvaunongofanira kuita.

²⁴⁰ Shoko raMwari rakazodzwa richisimbisa pamperi pemunhu upi zvake akaberekwa kuva mwanakomana waMwari, aine mbeu yakafanotemerwa maari kuitira nguva ino, achaona Mharidzo yaMwari zvirokawazvo sekuvapo kwaMwari Kudenga. Martin Luther akaIona kune rake. Wesley akaIona kune rake. Mupentekosti akaIona kune rake. Zvino ko iwewe? Uh-huh. Vakapinda musangano. Herino Shoko riri kuzvipomera; richikuudzai zvatinofanira kuva nazvo nhasi, uye chaizvo maererano naMaraki 4 nevimbiso dzose idzi dzenguva. Unoonei? Wakatarisei? Ameni. Hepano patiri. Zvapungu chaizvo, zvechokwadi zvinonzwa. “Makwai aNgu anoziva Inzwi raNgu. Haangateveri mutorwa.”

²⁴¹ Sei? Yakaiswa imomo nekufanotemera. Wakafanotemerwa kuva mwanakomana waMwari. Waiva muna Mwari nyika isati yavambwa. Uri kungoratidzirwa bedzi muzuva rino kuitira kukudzwa nekubwinya kwaKe. Ko ungazviita sei usingaremekedzi Shoko raKe, nekumira neShoko rese raMwari? Hongu, changamire. Iro, rauri chikamu cheShoko iroro, nekufanotemera. Nokuti, tarisa, Mwari ndiyi Shoko. Munozvitenda? [Ungano inoti, “Ameni.”—Mupepeti.] Zvakanaka, zvadaro, kana... Vakagara vari Shoko. “Pakutanga kwaiva neShoko.” Uye kana Shoko raiva Mwari, zvino waiva muna Mwari. Shoko, chikamu chaunofanira kuita, chaiva muna Mwari nyika isati yavambwa. Vakakuona. Vaikuziva. Vakafanokutemera kwachiri.

²⁴² Ndinokuudzai, sekungocherechedza inzwi kwakaita chapungu, ndizvovo Mukristu we—wechokwadi, akaberekwa patsva anocherechedza Inzwi raMwari kubudikidza

nemuShoko, pavanoRiona rakazodzwa uye richisimbisa. Tarirai. Akatarisa kumusoro *Uko*. Haana kuona huku yakare iya ichikukuridza *kuno*, “Tijoinhe uye uyende *uko*. Uye enda *uku*, uyende kune *izvi neizvo*.” Akaona chi—chinhu sechaaida kuva, chichibbururuka mumhepo, chichidanidzira, chakasununguka, kumusoro kumatenga, pamusoro pemagora ese nezvinhu zvepanyika. Hareruya! Aida kuva izvozvo nokuti zvaiva maari kuva izvozvo.

²⁴³ Uye munhu akaberekwa naMwari, Mwanakomana waMwari, anofanira kuva nehunhu hwaMwari. Anofanira kunge akaita saMwari. Anokudza Mwari. Iye chikamu cheShoko raMwari. Uye mumazuva ano ekupedzisira, eMwenga uyu uri kutora chimiro, chaizvoizvo simba rimwe chete raaiva pamavambo, raya nemumasangano ese aya, nezvakadaro, ndokubuda muMwenga. Haagoni kuva chimwewo chinhu kunze kwaizvozvo.

²⁴⁴ Vaifanira kunge vakaRiona, maJudha aya mumazuva avo, pavakaRiona richiratidza pamberi pavo, sezvakataurwa nemuporofita kuti Aiva. Akati, “Nzverai Magwaro; Maari munofunga kuti mune Hupenu Husingaperi. Iwo ndiWo anopupura nezvaNgu. Kana Ndikasaita mabasa aBaba vaNgu, musaNditenda. Asi chero mukasaNditenda, itai... tendaiwo mabasa aNdakaita.”

²⁴⁵ Vakati, “Madzibaba edu akadya mana murenje kwemakore makumi mana. Tinoziva patiri.”

²⁴⁶ Iye akati, “Uye vose vakafa,” zvinova, kupatsanurwa Nekusingaperi. Munhu wese akafa. Paingova nevatatu bedzi, vaviri kubva mumiriyoni, mamiriyoni maviri. Zvinova mumwe chete kubva mumiriyoni.

²⁴⁷ Sei, kuiswa, kwembeu kubva muhono nehadzi, kazhinji pane zai rimwe chete rinogona kuunza upenyu. Pane zai rimwe chete, chizenga chimwe chete chinogona kuunza upenyu, kana makamboona panoitwa zvemombe dzemasanganiswa. Cherechedzai. *Hepano* pane mazai mi—miriyoni; *hepano* zvizenga miriyoni; uye pazvi—zvinobuditswa, kuti zvisangane muchibereko, zvchipinda nemuchubhu kupinda muchibereko, zvinosangana. Imwe yacho mazai. Mazai miriyoni; nezvizenga miriyoni. Pane zai rimwe chete imomo rinogona kuunza upenyu. Pane chizenga chimwe chete imomo chinogona kuunza upenyu. Ose mapenyu. Unogona kuona tumhuru twese tuchichirika-chirika imomo, kadonhwe kaunogona kuisa pakamuti kemachisi.

²⁴⁸ Zvino Demos nevamwe vari kuteerera manheru ano, uye anorangarira patakazvitora. Akandiendesa zasi ikoko, ndokundiratidza kuti zvinoshanda sei. Machubhu ekunzveresa, ndokungoisa zvinokwana kuti uise pamapeto pekamuti kemachisi. Aiva zviuru zvemhuru diki nemabhuru imomo,

asi imwe chete yadzo ndiyo inogona kurarama. Imwe chete yadzo bedzi! Uye hepano bhora guru rawo, *pano*. Uye muchacherechedza, chimwe chichakambaira kubva pane ichi *pano*, choyenda, chizenga chouya *pano*; uye zai rinozobuda kubva pakati pemamwe mazai aya *pano*, zvino zvosangana pamwe chete. Uye zvimwe zvese zvinofa. Zvakadaro, zvipenyu, asi zvinofa.

²⁴⁹ Nokuti, pane chimwe Chinhu, mumwe Munhu aita kuti *ichi* chigone kuunza upenyu, uye nokugadza *ichi* chimwe, zvakare. Kufanotemera, hama yangu. Chokwadi. Mwari vanofanira kusarudza kuti achava mukomana here kana musikana, ane vhudzi dzvuku here, vhudzi dema, kana chero zvachiri. Zvinosarudzwa naMwari. Chakavanzika chinopfuura kuberekwa kwemhandara, kwandiri. Asi, cherechedzai, zvimwe zvese zvinofa.

²⁵⁰ Pane mamiriyoni maviri evanhu vakabuda, vakaimba, nokudanidzira, nokuita zvose. Vakataura ne...vasina kumbobvira vataura nendimi. Asi vakadanidzira, no-nokupa Mwari kubwinya, ndokutamba vachikwira nekudzika pagungwa, ndokuita zvose izvo zvakaitwa nevamwe vose, asi pangori nevaviri bedzi vakapinda munyika yechipikirwa. Karebhi akapinda, Karebhi naJoshua, vaviri bedzi. Mumwe chete kubva mumiriyoni. Mumwe chete kubva mumiriyoni pakuberekwa kwepanyama. Mumwe nemumwe wavo aiva neropafadzo rimwe chete.

Oh, imi maPentekosti, ndinotarisira kuti hamunonoke kuchangamuka.

²⁵¹ Mumwe chete kubva mumiriyoni. Tarisai. Panofanira kunge paine mamiriyoni mazana mashanu evanonzi Makristu panyika nhasi. Kana Jesu achizouya, panongova nemazana mashanu bedzi anoenda naYe, zvino, kana kuverenga uku kuri kwafamba nemo. Handiti, pane vazhinji kudarika ivavo vari kushaikwa mazuva ese, panyika pose. Hapana zvavanoziva nezvazvo.

²⁵² “‘Ndinonzwisia,’ sekureva kwevanyori, ‘unoziva kuti...’ Sei vanyori vachitaura kuti—kuti, ‘Eria anofanira kuuya kutanga?’” Vakadaro kuna Jesu.

²⁵³ Iye akati, “Eriya wakatouya kare mukasazviziva.” Maona? Akaita chaizvo izvo zvakarehwa neMagwaro kuti zvaizoitika kwaAri. Maona? “Naizvozvovo Mwanakomana wemunhu anofanira kutambudzwa. Pasi...” Havana kuMucherechedza. Naizvozvo, vose vaiva muchechi. Vachikambira kuti vapenyu.

²⁵⁴ Zvino chingorega Mukristu wechokwadi, akaberekwa patsva, muranda chaiye waMwari, akanzwa Shoko raMwari, achapfuura nemusangano rese, kusvika kuivhu riya rakaorera, neShoko, bindu rekudyarira. Achangozviita. Handizive kuti anozviita sei. Mwari vakagadza kuti zviitike.

²⁵⁵ Wakanyengerwa pakutanga, nemuchato wako wekutanga. Zvino unoziva chokwadi. Sezvandambotaura, chapungu chidiki pachakanza Inzwi reChikomba, chakaenda kwaRiri, Shoko raMwari rakazodzwa, rikasimbisa remuzuva rekupedzisira.

²⁵⁶ Noa aiva Shoko rakasimbisa rezuva rake. Munozvitenda here? [Ungano inoti, “Ameni.”—Mupepeti.] Zvakanaka, mharidzo yake haingashande nhasi.

²⁵⁷ Mosesi aiva Shoko rakasimbisa rezuva rake. Munozvitenda here? [Ungano inoti, “Ameni.”—Mupepeti.] Haingashanda iye zvino. Jesu aiva . . .

²⁵⁸ Johane aiva Shoko rakasimbisa. Munozvitenda here? [Ungano inoti, “Ameni.”—Mupepeti.] Hayaishanda mumazuva aJesu. Kwete zvirokwazvo. Kwete, changamire. “Mirairo nevaporofita vaivapo kusvika pana Johane; kubvira ipapo, Humambo hweKudenga.”

²⁵⁹ Vaapostora, avo vakaunza Bhaibheri. Hapo pakabuda Ruther, mukuvandudzwa, mashoko ake, ayo, chechi yake, haangashande nhasi. AWhisiri haangaita. EPentekosti haangadaro. Akashanda munguva yavo.

²⁶⁰ Asi rave rimwe zuva. Uku kuzarurwa kweZvisimbiso Zvinomwe. Ndinoziva zvinoita sezvisinganzwisisike kwamuri, asi Mwari vakazvisimbisa zvakakwana. Hapanu mu—mubvunzo paZviri. Zvakangokwana! Handisi kumwaya izvi kuungano yepano. Ndiri kutaura kuvanhu vakapotereda munyika. Maona? Itai zvamungada.

²⁶¹ Zvino cherechedzai Shoko rakazodzwa rezuva rake, iro ramuri chikamu charo, nekufanotemera. Iwe pakarepo, sekuti, wakaziva. PawakaRinzwa, wakabva waziva nekukurumidza kuti waiva chapungu. Wakacherechedzawo kuti waisava huku yemasangano, kubva pakutanga. Wakaziva kuti pane chakatsveyama ipapo. Pane chakakanganisika, ndizvozvo, nokuti unoziva kuti wanga wakateyiwa mazviri, pakutanga.

²⁶² Iye, Chikomba, akabvisa nyadzi dzako, “Ndokudziisa muGungwa reKanganwi, nekugezwa neMvura yeShoko neRopa reHupenyu.” Ndizvo zvakataurwa neBhaibheri. Murume wako wekutanga wawakaroorana naye, nyika; Chikomba chakazodzwa, chakafanokutemera, chakakugeza nokugeza neMvura. Ne “chechi” here? [Ungano inoti, “Kwete.”—Mupepeti.] Hazvisi kubuda zvakanaka. Zvinodaro here? [“Kwete.”] Unogona kuzviona mualmanac, asi kwete muBhaibheri raMwari. “Mukugeza kweMvura neShoko.” MuShoko! Maona? Kubudikidza ne . . .

²⁶³ Umire wakaruramiswa zvizere, sekunge usina kumbozviita pakutanga. Iyi ndiyo Mharidzo yangu kuChechi zvino. Pauri . . . patiri kubva panhepfenyuro, muminiti. Wakamira, kana wakamira paShoko raMwari uye neShoko raMwari, ameni

yese, donwe rose, chidimbu chese. Wakamira pai? Ndiri kuedza kukuudzai, zvipatsanurei kubva kuzvikwande izvo. Uye mupinde muno mugorosi, apo pamunokwanisa kuibva pamberi peMwanakomana. Ndiri kunzwa kuuya kwemuchina wekukohwa. Wakamira wakakwana, wakaruramiswa, sekunge usina kumbozviita pakutanga. Hareruya!

²⁶⁴ Taura pamusoro pengua yekupa kutenda! Ndinonzwa zvakaisvonaka. Ndinotenda zvikuru nokuda kwazvo kupfuura chimwe chipi zvachochandingaziva.

²⁶⁵ Muri Mwenga akachena, ane hunhu, asina chivi weMwanakomana waMwari mupenu. Murume nemudzimai wese akaberekwa neMweya waMwari, uye akagezwa muRopa raJesu Kristu, uye achitenda Shoko rese raMwari, akamira sekunge asina kumbobvira akatadza pakutanga. Wakakwana. Ropa raJesu Kristu! Ungagona sei... Kana munhu...

²⁶⁶ Dai ndanga ndiri kufanira kufa mangwanani, mumwe munhu otora nzvimbo yangu, handigone kufira chivi ichocho. Mumwe munhu atora nzvimbo yangu.

²⁶⁷ Zvino Jesu, Shoko, akatora nzvimbo yangu. Akava ini, kuitira kuti mutadzi, kuti ndikwanise kuva iYe, Shoko. Ameni. Regai ndirambe ndakabatirira zvakatendeka kwaRiri, kwete chechi. Shoko! Ameni.

²⁶⁸ Oh, kubatana kwepamweya uku kwaKristu neChechi yaKe zvino, apo nyama iri kuva Shoko, uye Shoko riri kuva nyama, richiratidzwa, nekusimbiswa. Chaizvo izvo zvakanzu neBhaibheri zvaizoitika muzuva rino, zviri kuitika, zuva nezuva. Handiti, zviri kuungana nekuchimbidzika kukuru kunze uko, mumagwenga, nezvinhu zviri kuitika, zvandisingatombogone kumhanyidzana nazvo. Tave pedyo neKuya kwajesu, kuti azobatanidzwa neChechi yaKe, uko Shoko rinoval Shoko. Kudana kweMweya Mutsvene, uchinzvera mwoyo!

²⁶⁹ Wakamira, wakakwana. Hauna kumbobvira watadza pakutanga. Mwari havatombozvivive. Zviri muGungwa reKanganwi. Hauna kumbobvira wazviita. Wakazvipomerwa, nemupomeri. Asi chaizvo, kubva pamavambo, wakatemerwa kuva mwanakomana nemwanasikana waMwari. Wakamira ipapo, wakagezwa. Uye bhuku rako rakare rekurambana rakaraswa, uye rakafa, haritomboriko kwazvo, kunyange mupfungwa dzaMwari.

²⁷⁰ Uri Mwenga akarurama waKristu, akagezwa muRopa raKristu. Mwanakomana waMwari anokosha, ane hunhu, asina chivi akamira neMwenga weShoko akachena, asina hupombwe waAkageza neMvura yeRopa raKe pachaKe; rakava nyama ndokuratidzwa, kuti Akwanise kukutorai vakafanotemerwa okuisai muchipfuva chaBaba, mavambo asati avapo, zvimwe

chete sezvaAiva. Aiva chizenga chikuru chaMwari, chinonzi “rudo.”

²⁷¹ Chero zvauri, muri varanda valMwari, chero zvinodiwa naMwari kuti uite, ndipo pane nzvimbo yako. “Mwari vakaisa muChechi, vamwe vaapostora, vaporofita, vadzidzisi, vafundisi...” Vakaisa izvozvo nesimba rekufanotemera kwaVo pachaVo. Uye iwe waiva izvozvo, kubva pakutanga.

²⁷² Muchato wako wepakutanga wakarambwa. Ndizvo zvakaitika. Hauna kumbozviita, pakutanga. Nokuti, pane chinhu chimwe chete chaigona kuzviita, zvaizova kuti Mwari vadzike, Vomene, vakatora nzvimbo yako muchimiro cheMwanakomana waMwari, Jesu Kristu, ndokukugeza neMvura, yekugezwa kweMvura neShoko. Shoko; kwete sangano! Shoko rakakugeza. Asi kana ukasamira muMvura yeShoko, ko uchazogezwa sei? Uchine makwapa saEvha.

Oh, Gwayana rinodikanwa riri kufa, Ropa
raKo rinokosha
Harizombopera simba,
Kusvikira Chechi yese yaMwari
Yaponeswa zvekusazotadzazve zvakare.

²⁷³ Chivi chii? *Chivi* “kusatenda.” Kusatenda mune (chii?) Shoko; kusatenda muna Mwari, anova Shoko.

²⁷⁴ Akacheneswa, asina hupombwe; oh, hareruya; ari kubva munguva pfupi kuenda kumatenga; ameni; akamira akagadzirira. Funga. Hanzu dzako, dzakagezwa neMvura dzeShoko riri kujuja! Shoko rakava Ropa. Shoko rakajujira iwe, uye wakagezwa muShoko riri kujuja. Shoko, richijuja! Hupenuy hwaMwari muShoko, uye Shoko rakajujira iwe, kuitira kuti ugezwe kubva kutsvina dzezvipfeve izvi, uye ugezwe nekucheneswa mukugezwa neMvura yeShoko, zvoita kuti pfungwa dzako nemwoyo wako zvigare pana Mwari nepaShoko raVo.

²⁷⁵ Zvino, unoziva sei kuti Ichokwadi? Mwari pavanouya voRiratidza nekusimbisa.

²⁷⁶ Unoti, “Zvino, handiRitendi nenzira iyoyo.” Havana kuRitenda nenzira yaJesu, asi Mwari vakaRisimbisa. Havana kuRitenda nenzira yaNoa. Havana kuRitenda nenzira yaMosesi. Vaitoda kutora shoko raBharami pane iRo, “Tese takangofanana, saka ngatiyananei pamwe chete.”

“Zvipatsanurei,” Bhaibheri rakadaro, “kubva mukusatenda.”

²⁷⁷ Hareruya! Zvino cherechedzai. Hausingori izvozvo, asi uri kuenda kuMuchato muchadenga. Uye wakapfeka mhete yemuchato yenyasha dzakatemerwa, dzausingakodzeri, mhete yako yemuchato yenyasha dzausina kodzero yako. Mwari vakaviiita, pachaVo. Vakakuziva nyika isati yavambwa, saka

Vakaisa mhete yemuchato pauri Ipapo, ndokuisa zita rako muBhuku. Inguva yekutenda yakadini! Hareruya! Mwari vedu ngavarumbidzwe!

²⁷⁸ Zvino, mukuvhara, ndinogona kutaura izvi. Tose tinoziva kuti chechi yechimanjemanje, yePentekosti, muchinhano chairi izvezvi... Masangano ese pamwe chete, ndichaakandira mubutwa rimwe chete, nokuti ndizvo zvavari. Munorangarira, Vachaunganidza masora, kutanga, voapisa. Votora... Vanotora mashanga ese egorosi voapisa ese, kutanga; zvadaro Vanotora, vanouya votora gorosi raVo voriendesa Kumba. Vose vari kuungana muchibutwa, chibutwa cheMethodisti, Baptisti, Pentekosti, zvose zvichienda kuMubatanidzwa weZvinamato. Ndizvo zvega. Vose vanopiswa. Maona?

²⁷⁹ Tose tinoziva kuti chechi yechimanjemanje, muchinhano chayo izvezvi nechimiro chayo izvezvi, haisi muchinhano chekupedzisa kutumwa kukuru kwakapihwa naMwari kuChechi muzuva rino. MaPentekosti mangani anogona kuti "ameni" kwazviri? [Ungano inoti, "Ameni."—Mupepeti.] Ndizvozvo. Maona? Zviri mu...

²⁸⁰ Tiri veoneness, twoness, threeness, *ichi*, *icho*, *chimwe*, kukakavadzana, kurwisana. Mumwe *ichi*, nemumwe *icho*, ne*chimwe*. Zvino mumwe nemumwe wavo, achitya kutarisana neShoko, kunyatsosvika pakuyedzwa. Maona? Vanoziva. Vaudze pamusoro paRo; vanoti, "Ha—handigone kuzviita. Handikwanise kutenda Izvozvo. Handina basa nezvaanoita. Ini..." Maona? Maona? Maona? Zvinoratidza amai nababa vaunavo. "Unogona kuva mutungamiri mukuru wesangano rimwe zuva. Unogona kuva *ichi*, *icho*, kana *chimwe*." Zviri nane uve mwanakomana waMwari.

²⁸¹ Zvino, tinoziva kuti chechi hayaikwanisa, chechi yePentekosti, nenzira ipi zvayo, nenzira ipi zvayo, kuunza Mharidzo yezuva rekupedzisira, muchinhano chairi iye zvino. Yaigona here? [Ungano inoti, "Kwete."—Mupepeti.] Handiti, haitombogona kuwirirana paShoko rimwe chete kana maviri emuBhaibheri. Uchazviita sei? Haizvigone. Saka, munona, sangano hariverengerwi. Ndizvozvo chaizvo.

Vachange vari vanhu vakasanangurwa vari vakasanangurirwa izvozvo. Maona?

²⁸² Zivai, uye mumwe nemumwe wedu anoziva, kuti boka rese remasangano, maPentekosti nevose, vakafa, zvinova, kune uyo Mukristu weMharidzo akaberekwa patsva. Uhuh. Murume wako wekutanga akafa. Unoziva kuti akafa. Mwari akaita kuti afe. Zvaper. Nzira dzayo dzose dzesainzi, njere, fundo, nzira dzesainzi dzeavanoti zvikoro zveBhaibheri nevzose zvaparara. Zvaitei? Kupatsanura, veoneness *pano*, nevematrinity *apo*, nevetwoness *pano*, necheuko, uye nezasi

kuno, uye nekuvhiringika kwakadaro, vachizvidana kuti maPentekosti.

²⁸³ Sei, ndakaenda kune mumwe mujaya, rimwe zuva; ari kuteerera imo muno, iye zvino. Nemumwe mudzimai wechidiki, aiva nhengo yeimwe chechi. Akati... Ndakati... Vakasiyana. Ndikati, “Ko dambudzikzo nderei?”

Ndokuti, “Tine matendero akasiyana.”

Ndikati, “Oh, ndine urombo. Uri Mukatorike?”

²⁸⁴ Mukadzi ndokuti, “Kwete.” Akanditaurira sangano raaipinda, rePentekosti.

²⁸⁵ Ndkati, “Iwe uri *chii?*” Murume muPentekosti, zvakare, asi rimwe sangano. Oh!

²⁸⁶ Munoziva here, chechi yeRoma Katorike yakatanga iri, yechiPentekosti? Vangani vanoziva kuti ichokwadi? [Ungano inoti, “Ameni.”—Mupepeti.] Zvakaitorera makore zviuru zviviri kuti isvike pairi zvino, hapana chavachatora muMagwaro zvachose. Hapana. Zvokuti, maPentekosti, mumakore makumi maviri kubva zvino, vachange vaipa kudarika zvavari izvezvi, zvikaramba zvichiedeka nenzira yazviru kuita izvezvi. Handiti, ichokwadi. Maona? Chii ichocco? Chii ichocco? Tarisai kuti baba namai vavo ndiani. Vanorega vakadzi vavo vachigera vhudzi ravo. Vanogona kuita chero zvavada kuita. “Chero bedzi vari nhengo yechechi ino, ndizvo zvega zvine basa.”

²⁸⁷ Oh, ndosaka, ndosaka mutongo waMwari uchikura! Mwari vanoRiisa pamberi penyu chaipo imi movhara meso enyu motadza kuRitarisa. Hongu. Kuvhara manzwiro enyu etsitsi, pamunoona Shoko raMwari rechokwadi neizvi Zvisimbiso Zvinomwe zvichisimbisa nekuratidzwa kuva izvo. Nekupupurirwa muchadenga, munyika dzese nekwese, kubudikidza nezviratidzo nezvishamiso zvikuru zvaVakavimbisa kuti Vaizoita, zvino monyarara, moti, “Ha-handizive. Ha-handizvigone. Ini...” Maona? Oh, ini zvangu! Zvakafa, uye hauvvizive. Zvivi nekudarika! Wakafa. Oh, ini zvangu!

²⁸⁸ Tese tinoziva kuti chechi muchinhano ichocco hayaigona kupedzisa zuva rino rekupedzisira. Yaizounza sei Maraki 4? Yaizozviita sei? Havatombotendi mune chinhu chakadaro. Ko ingatenda sei, kuunza Ruka 17:30? Ko yaizounza sei mamwe Magwaro ese aya akavimbisa zuva rino rekupedzisira? Hayaigona kuzviita, nekuti inoRiramba. “Sezvazvaiva mumazuva aRoti, ndizvo zvazvichava paKuuya kweMwanakomana wemunhu.”

²⁸⁹ Tarisai chinhano, Roti, icho Sodhoma yaiva, muzuva riya. Tarisai, chinhano chekereke muzuva iroro. Honai zvakaitika kuna Abraham, Musanangurwa.

²⁹⁰ Honai zvakaitika kuna Roti nevamwe zasi muSodhoma. Tarisai Billy Graham naOral Roberts, ivo vari zasi uko kumasangano. Honai Chechi yaAbrahama yakasanangurwa, yakabuditswa.

²⁹¹ Tarisai mhando yechiratidzo, icho Jesu pachaKe, Mwari munyama akamira mumutumbi wemunhu. Unoti, “Yaiva Ngirozi.” Bhaibheri rakati Aiva Mwari.

²⁹² Ishe Mwari, Erohimu, akamirapo mumutumbi wemunhu, achiratidza kuti Aizozodza Kereke yaKe mumazuva ekuguma. Vaizova Mwari vachishanda mumutumbi wemunhu zvakare. “Sezvazvaiva mumazuva eSodhoma, ndizvo zvavzichava paKuuya kweMwanakomana wemunhu.” Chinhu chimwe chetecho. Vanonyatsochiona muMagwaro. Verengai... “Nzverai Magwaro, nokuti maAri munofunga kuti mune Hupenyu Husingaperi.” Zvino iWo ndiWo anopupurira iZvi. Maona? Maona?

²⁹³ Saka tinoziva kuti akafa. Mwari vakaarega achifa muhurongwa hwawo hweundini, hwesainzi, nedzidzo.

²⁹⁴ Mapentekosti ese aisimbotaura pamusoro—pamusoro pekutumira vana vavo kuchikoro cheBhaibheri, kare pakwaiva naHama Loyate, nevamwe vaive pano, vaikudzinga kubva muchechi. “Asi, oh, iye zvino ndicho chinhu chikurusa. Mwanakomana wangu ari kuchikoro cheBhaibheri.” Ari kuchera guva rake. Saka, zvino, munofunga kuti vaizoRigamuchira, nhasi?

²⁹⁵ Munofunga kuti ndiri kuedza kutsigira kusadzidza? Handisi kudaro. Ndiri kukuudzai kuti pane musiyano pakati pezera rino renjere ratiri kurarama mariri, apo kereke yakapihwa pamuviri nesainzi nezvinhu zvose izvi zvinonzi “zvakaongororwa” nezvose. Hauite Mwari wekuerefeta.

²⁹⁶ Zvakanaka, ivo—ivo vaprisita vakawana Mwari zvakanyatsonanga. Vaiziva mauiro aizoita Mesiya, asi Akauya zvakanyatsosiyana nemauiro avakanga vafungidzira. Aiva asiri esainzi. “Ko Murume uyu angadarirei, iye ari Mwana wehupombwe? Akaenda kuchikoro kupi? Dzidzo yaKe yakabva kupi? Akawanepi kufunda uku?”

²⁹⁷ “Ko sei, Unoyedza kutifundisa? Wakaberekwa muhupombwe.” Maona? Oh, nhandi zvangu!

²⁹⁸ Muri kuona chinhu chimwe chete chichidzokorora zvakare? [Ungano inoti, “Ameni.”—Mupepeti.] Muri kuzviona zvichidzokorora zvakare? Vese mune sainzi dzavo dzekunamata, sainzi dzavo dzekunamata maererano nezvakataurwa nechikoro chavo cheBhaibheri, ndiyo nzira yavanorida naRo. “Ndiyo nzira yaRinofanira kuva, kana kuti haRisi.”

²⁹⁹ Mwari anongovapusisa, nguva dzose. Rinogara richiuya zvakasiyana. Rakazviita munguva yaNoa; ndokudaro munguva

yaMosesi; ndokudaro munguva yaKristu; ndokudaro munguva yaJohane; ndokudaro munguva yevadzidzi; ndokudaro munguva yaWhisiri; ndokudaro munguva yaRuther; ndokudaro munguva yePentekosti; uye ndizvo zvazvaitawo zvakare. HaRishanduke maitiro aRo. Nguva dzose rinogara richiuya zvimwe chete. Vavandudzi bedzi nemumanomwe...mazera matanhatus, kusvika pane rechinomwe. Zvakazarurwa 10 yakati, munguva ino zvichazoshanduka. Uye zvakadaro.

³⁰⁰ Zvino tave kuvhara, mukutura izvi. Kupedzesza kutumwa kukuru, ko vaigozviita sei? Tinoziva kuti vakafa. Mwari vakazvirega zvichifa muzera rino resainzi, rose zvaro, kuitira—kuitira kuti Vagone (kuitei?) kuzarura chakavanzika cheChisimbiso cheChinomwe kuMwenga usiri sangano. Ko sangano ringagamuchira sei Zvisimbiso Zvinomwe izvozvo, iZvo zvichinyatsopesana, mbeu yenyoka nezvimwe zvinhu zvose zviya? Zvakavanzika zvinomwe zvese zvizere, zvinopesana nezvavakadzidziswa, nekuti vakatora chikoro chakare kubva kuchikoro chavo cheBhabheri.

³⁰¹ Zvino Zvisimbiso Zvinomwe zvaMwari, paZvakazarurwa pagomo paya: regai Mwari, kwete, regai ini ndife izvezvi papurupiti ino kana iZvo zvisiri Chokwadi. Uye ndakafanokuudzai, gore nemwedzi mitanhatus zvisati zvaitika, zvaAkandiudza, “Enda kuArizona,” nezvaizoitika kunze uko mugwenga. Zvino pane varume vakagara muno chaimo, manheru ano, vaive vakamira ipapo varipo pakauya Ngirozi nomwe. Kunyange mag-...Magazini, magazini reLife, raiva nenyaya yaCho. Ririmo munzvimbos yekunzvera zvemuchadenga, nezvose. Zvino havatombozive kuti Rinombova chii.

³⁰² Zvino zvinhu zvese zvakataurwa, o, kunyange kusvika pakuparadzwa kweCalifornia, kuri kuuya zvino, nezvimwe zvinhu zvese. Uye kuti ndakavaudza kuti mazuva mangani azvichaitika, kuti zvaizoitika sei pakundengendeka kukuru kwakaitika kuAlaska, uye kuti ndiwo aizova mavambo echiratidzo chenguva, nezvaizoitika. Zvino shoko neshoko, zvaRakataura, hazvina kumbobvira zvakundika kana kamwe chete. Hamuna kumbobvira maRiona Richikundika. Uye haRigone kukundika, nekuti iRo Mashoko aMwari. “Zvino Denga nenyika zvichapfuura, asi iRo harikundike.” Ndizvozvo.

³⁰³ Mwari vaitofanira kuzarura Zvisimbiso Zvinomwe zviya, kwete musangano. Ndakagara ndichipesana naro. Asi, kubva musangano, Anogona kutora Mwenga, kwete mwenga wemasangano. HaAigona kuzviita. Zvinopesana neShoko rake pachaKe. Akazarura zvakavanzika zvinomwe imomo. Zvinoratidza pachena, kuunza pachena zvinhu izvozvo zvanga zvakavanzwa kubva pakaiswa nhoyo yenyika, zvaizozarurwa mumazuva ekupedzisira, kuvanakomana vaMwari. VakaRiunza

zvino pamberi pevanhu, kuitira kuti vaRione, ipapo, imi zvino, kuMwenga uyu usiri wemasangano. Oh, ini zvangu!

³⁰⁴ Heano mabhuku maviri aka. Rimwe racho iBhuku reHupenyu reGwayana. Zita rako iMomo rakafanotemerwa iMomo. Harigone kubva, nokuti haugone kuribvisa zvachose, munoono, nekuti rakafanotemerwa kuti rive iMomo. Asi bhuku rehupenyu remazuva ese, rinogona kudzimwa nguva ipi zvayo. Maona? Ukasatendeuka, rinodzimwa, zvakadaro, nokuti uri kuzomira paKutongwa. Mwenga hautombomira paKutongwa; unoenda muKubvutwa. Sezvakangoita . . .

³⁰⁵ Ndinotaura izvi, pakuvhara. Nguva dzafamba, saka . . . dzava kutoita nine-thirty. Zvino tiri kuzobuda muno na nine-thirty, Ishe vachitendera. Chingoremekedzai zvino, teererai. Imwe nguva . . .

³⁰⁶ Ndichitura izvi zvino, izvi zvinoenda kunyika yese. KuNew York, izvezvi ava maminitsi makumi maviri nemashanu eleven dzadarika. Kumusoro uko kuPhiladelphia nekwakapoteredza ikoko, vatsvene vaya vanodikanwa vakagara vachiteerera, iye zvino, mumachechi akapoteredza kwese. Kumusoro, nekuzasi kweMexico, nekumusoro kuCanada nekwese, kwakatenderera. Mamaera mazana maviri, kipi zvako munyika yeNorth America muno, potse, vanhu varipo, vakateerera iye zvino. Zviuru nezviuru, vakateerera.

³⁰⁷ Zvino ndiyo Mharidzo yangu kwamuri, Kereke, imi makaita mubatanidzwa, mubatanidzwa wepamweya neShoko, kuti makafa kuvarume vaya vakare. Makaberekwa patsva. Usaedze kumufukunura. Akafa. Kana uri Mukristu akaberekwa patsva, chizenga chidiki chiya chakafanotemerwa mauri, iShoko riri kuuya pamusoro peShoko, pamusoro peShoko, pamusoro peShoko, pamusoro peShoko, kusvika pachimiro chakakwana chaKristu, ndizvozvo, kuitira kuti Agone kuuya kuzotora Mwenga waKe. Zvino tangogadzirira chinhu chimwe chete, kunova Kuuya kwaShe.

³⁰⁸ Hero zita rako muBhuku reHupenyu. Bhuku reHupenyu iShoko raMwari, nokuti Shoko ndiMwari, uye Mwari ndiVo chinhu chega chiri Hupenyu. Saka zita rako rakamiririrwa muBhaibheri Bhaibheri risati rauya kuva Shoko. Zvino kana uri pano kuti uzodaro, haRizosimbisa Shoko here? [Ungano inoti, "Ameni."—Mupepeti.] Chechi haingaZvisimbise here? Ko Maraki 4, nezvimwe zvinhu zvese izvi, hazvingaZvisimbise zvakakwana, zvakakwana nokuratidza kuti ndiZvo zvaRiri? ["Ameni."]

³⁰⁹ Jesu paakauya, Akati, "Kana Ndikasaita mabasa akavimbisa kuti Ndiite, musaNditenda." Nderipi remapoka raakajoinha? Akati, "Vese . . . Muri vababa wenyu, dhiyabhorosi, uye mabasa ake munoaita." Maona? Maona?

³¹⁰ Tiri mumazuva ekupedzisira, Kereke. Ndiyo Mharidzo yangu yekupa kutenda kwamuri.

³¹¹ Zvino, tisati tavrha. Imwe nguva ndaiva kuGlacier National Park. Tanga tanzwa, zuva rese, kuti vaiva ne—vaiva nekudonha...pane moto wegodo rechando waidonha manheru iwayo. Saka vanhu vakanga vari mubishi, zuva rese, vachigadzirira chinhu ichi, nokuti vanga vari kuzodurura moto uyu, manheru iwayo. Vakaisa moto unodonha semvura, segodo guru remvura yakagwamba. Asi iyo...Wairatidzika semuraraungu, potse, paunobuda, mumoto uyu uri kudonha kubva mugodo iri. Kwese kwakapotereda mupaki iyi, mudzimai nenii, nevana, takafamba tichitenderera zuva rese. Taida kusara, kuti tione kuratidzwa kwemoto uyu. Saka zva—zva—zvakavimbisa kватири кuti taizouona, uye tigozviona zvakare. Vakati vanogara vainazvo mumwaka yese yezhizha nezvakadaro. Ndikati, "Zvakanaka, tichagona kuuona here?"

³¹² Zvikanzi, "Tazvvivimbisa manheru ano. Takazvvivimbisa." Zvikanzi, "Vari kumusoro uko vachizvigadzirira izvezvi."

³¹³ Mushure mekunge zvese zvagadzirirwa chiitiko! Ndizvo zviri kuitika izvezvi. Zvese zviri kugadzirirwa chiitiko, Kereke ichibuditswa nokuda kweZita rake, achibuditsa Mwenga waKe kubva pakati penyika, masangano aya nenyika yese, netsvina nezvinhu zvese zvenyika.

³¹⁴ Munhu wese; chiitiko chakanga chagadzirirwa. Munhu wese anga akamira kunze. Vakati, "Zvino rambai makatarisa, uko pamusoro pegomo chaiko."

³¹⁵ Ndiyo nzira yaRagara richiuya nayo. Ndiyo nzira yaRiri kuuya nayo nguva ino. Ndiyo nzira yaRinogara richiuya. Kwete kubudikidza nesangano! Mwari Havana kumbobvira vashandisa sangano, zvachose!

³¹⁶ Muvandudzi anoenda, otora Shoko raShe. Uye zvadaro paanofa, vanovaka sangano pazviri. Ndizvo zvakaitwa nemaPentekosti nevamwe vese. Pakauya zvinhu zvitsva nezvese, uye ndizvo zvazviri, ndiko kusimuka kwarinoita. Shoko idzva rinowedzerwa, zvino vovaka chechi kubva pariri, yakaitwa sangano, vakazvipatsanura. Zvaifanira kudaro.

³¹⁷ Zvino, haugone kukunda—haugone kukunda zvepamaskirwo. Zvisikwa zvinongopinda mumuhwezva mumwe chete, nguva dzese: dzinde, shizha, muchekechera, zvichidaro, chikwande, kwazoita gorosi.

³¹⁸ Zvino cherechedzai. Zvese zvanga zvagadzirira. Zvinhu zvese zvanga zvatungidzwa zvagadzirira. Uye munhu wese anga akamira kunze. Ndaiya ndakasimudza musoro wangu; ruoko rwangu rwakambundira mudzimai wangu. Taiva takatarisa. Uye vana vakamirapo, tese takatarisa mudenga, saizvozvo. Ini

zvangu! Chaiva chimwe chinhu, nokuti taiva takazvitarisira. Takazvivimbisa.

³¹⁹ Ameni! Shoko rinoVimbisa iZvi. “Zvichaitika, kuti zuva guru rinotyisa raJehovha risati rasvika, tarirai, Ndichakutumirai Eria muporofita. Achatendeutsa moyo yevana kumadzbaba, nemoyo yeavo...” “Zvichaitika kuti mumazuva ekupedzisira, Ndichadurura Mweya waNgu kubva Kumusoro.” “Mvura yepakutanga neyekupedzesira ichauya pamwe chete pazuva rekupedzisira.” Vimbiso dzese idzi, kubudikidza nemuMagwaro, dzakapihwa. Takatarisa kudenga. Honai Mwenga wechokwadi munyika yese panguva ino, wakatarisa kudenga. Kereke, iYe ari kuuya, rimwe ramazuva ano. Semazvirokawazvo ekuuya kwaAkaita pekutanga, Ari kudzoka zvakare. Gadzirirai zvinhu zvese. Zvipatsanurei kubva kuchikwande. Garai pamberi peMwanakomana. Rambai makatarisa mudenga. Ivai pasi pekutarisira.

³²⁰ Kamwe-kamwe, takanzwa chimwe chinhu kubva pamusoro pechikomo, inzwi rakadzika kubva muraudhispika, rikati, “Zvinhu zvese zvagadzirira.”

³²¹ Zvino murume uyu, akanga akamira parutivi rwangu chaipo, akati, “Regai moto udonhe.” Heunoi wakauya, uchidurura kubva pagomo iroro, godo remoto nemarimi achibvira, chionwa chaiyevedza.

³²² Hama, ngatiitei kuti zvinhu zvese zvigadzirire, nokuti rimwe remazuva ano Moto uri kuzodonha. Tiri kuenda kumusoro. Zvino ngatigadzirirei nguva yekudonha kweMoto. Tiri mumazuva ekupedzisira, tese tinozviviza, uye takagadzirira Kuuya kwaShe. Chinhu chekuita kuzvipatsanura kubva kuchivi chose. Zvipatsanure kubva kune chero chinhu chenyika. “Usade nyika kana zvinhu zvenyika.”

³²³ “Ngapashaye munhu, kubudikidza nechitendwa chake, angakunyengera.” Iwe gara wakananga muvimbiso yaMwari, Shoko raMwari. Uye Shoko iroro, kana Riri Shoko rezuva rino, Mwari vanoRisimbisa kudaro. Kana Vakasadaro, harisi Shoko rezuva rino.

³²⁴ Shoko rakadonha paZuva rePentekosti harichashande nhasi. Kwete, changamire. Raiva rePentekosti. Iri ndere Mwenga, kuenda Kumusha kweMwenga. Tine chimwe chinhu chakasiyana. MaPentekosti aimiririra izvozvo, zvakare. Tiri muzera reMwenga. Zvimwe chete sekusashanda kwe—kweShoko raNoa mumazuva aMosesi; sekusashanda kwemurairo waMosesi munguva yaPauro pano. Akaedza kuvaudza, “Makafa kwauri, hamugone kuva nawo.”

³²⁵ Kereke, imi vandiri kutaura kwavari, manheru ano, munyika yese, kana—kana wakazvipatsanura kubva musangano netsvina yese nezvinhu zvenyika ino, uye nezvinhu zvese zvinokuchengeta

uri muzvitendwa zvevanhu nehurongwa nezvinhu zvakadaro, wakazvipatsanura: Tarisa kumusoro. Gadzirira. Moto uri kuzodonha, rimwe remazuva ano. Mwari vari kuzoita kuti Auye, chiitiko chinoyevedza. Uchange wakagadzirira here paAnouya? Uchange wakagadzirira here kuenda naYe kumusoro paAnouya? Kubvutwa kwakavanda kweMwenga wepamweya, “Achaitwa we-...kubva mukufa kupinda mukusafa; achashandurwa, kamwe-kamwe, mukubwaira kweziso. Isu vakasara vari vapenyu hatingazodzivisa avo vavete.”

³²⁶ Rimwe zuva, paZuva reArmistice, ndakanga ndakamira zasi kuTucson. Mukomana wangu mudiki aida kuona masoja achifora. Ndainge ndiri kunzvera, uye ndakanga ndisina nguva yekuzviita. Uye ndaiva nevarwere vakawanda vaida kuonekwa nezvimwe. Saka akati, “Baba, havasi kuzondiendesa.” Akati, “Ndiendesei.”

³²⁷ Ndikati, “Zvakanaka.” Hama Simpson, ndinofunga kuti vari pano; uye mukomana wavo mudiki aidawo kuenda. Saka ndakavaisa mumotokari ndokuendako.

³²⁸ Ndakamira pakona ipapo ndokutarisa. Zvino mushure mechinguva, ndakanzwa, chinhambwe kumashure, ruzha rwuchiuya nechekure, “womp, womp,” ngoma, dzichirira. Ndakamira ipapo. Ndikafunga, “Zvakanaka, machinda madiki aya, vakanyatsoverenga mabhuku ese aya pamusoro pemauto. Vachanyatsofarira izvi.” Ndakacherechedza, kwakatanga kuuya nganunu dzakare dzeHondo yeKutanga yepasi rose. Hedzinoi dzakauya, tumachinda tudiki saizvozvo. Tevere kwakauya, mushure mazvo; kwakauya mushure macho nganunu huru itsva yeHondo yePiri yePasi rose, nganunu hombe yeSherman rine maburi pamuromo wepfunti. Zvadaro kwakauya raitevera, neraitevera, uye mushure mechinguva kwakauya Gold Star Mothers.

³²⁹ Uye zvadaro, mushure mechinguva, kwakauya magamba gumi nevaviri vasara, mudunhu rose reArizona, kubva paHondo yeKutanga yePasi rose; magamba gumi nevaviri. Mushure mazvo, kwakauya chikepe, musoja asingazivikanwe, muchinjikwa muchena mudiki. Paiva pakamira mutyairi wengarava, musoja wemumvura, nemusoja, vakamira vakarinda; kamuganhu kadiki pachikepe ichi. Kune rumwe rutivi kwaiva naamai vachembera vane musoro wakachenwa, vakagara vaine nyeredzi yegoridhe yakabairirwa pavari, mumwe mudzimai muduku akaisvonaka achichema, murume wake akanga afa; kamukomana kane marenganya, musoro wake wakaiswa parutivi. Baba vake vakauraiwa. Uye zvadaro shure kwazvo kwauya zvimwe nezvimwe nezvimwe, kusvika pamauto matsva. Ndakamira ipapo. Zvairatidzika kuyovedza zvakadini, asi zvichinzwisa urombo kwazvo!

³³⁰ Ndakafunga kuti, “O Mwari, rimwe ramazuva ano ndiri kuzoona chimwe chiitiko.”

³³¹ Kuchauya zuva rerumuko, iro, “Wekutanga achava wekupedzisira; avo vekupedzisira vachava vekutanga.” Vaporofita vakare vachauya, kutanga, zvino voona rundaza urwu rwuchifamba, rwuchifora kumusoro muchadenga. “Zvino isu vapenu vakasara hatingazodzivise avo vavete. Nokuti hwamanda yaMwari icharira, vakafa munaKristu vachamuka kutanga.” Tichanyatsopinda mumutsara mumwe chete navo tichipinda, hareruya, kwese kudzika muzera raRuther, Whisiri, Methodisti, Presbyteriani, kudzika kusvika pazera rekupedzisira, avo vakagamuchira Shoko muzera ravo.

Mwari vakuropafadzei. Gadzirirai zvinhu zvese, zvino Moto uchadonha.

³³² Ngatikotamisei misoro yedu kwechinguva. Handizive, muungano ino inooneka manheru ano, apo ndakuchengetai muri muno kwe...kusvika nine-thirty. Pane here mumwe pano, pane here gumi nevaviri pano, vangani pano, vanoti, “Hama Branham, ndinozvinyarira, mararamiro andakaita. Ndakapira zvakawanda kusangano nevanhu. Ndinoziva kuti handina kusvika chaipo neShoko raMwari. Ndiri kuzongokukumbirai kuti mundinamatirewo, Hama Branham”? Simudza ruoko rwako. Mwari vakuropafadze. Mwari vakuropafadze. Chingotarisa, kumusoro kumabharikon, nekwakapoteredza. Mwari vakuropafadzei. “Ndinoziva...” Zvino rega kunyara. Zvino, usadaro.

³³³ Uye kunze uko, kunyika yese, kubva kuNew York kusvika California, kubva kuCanada kusvika kuMexico: imi vanhu vakaungana mumachechi iwayo (kune mapoka madiki akatendeka akatenda Mharidzo ino nemoyo yavo yese; vakabuda, kubva mukutambudzika kukuru, vakabuda nemumasangano aya; ivo zvizenga zveHupenyu) unonzwa kugomedzerwa here, manheru ano, sechapungu chidiki chiya, kuti unonzwa Chimwe chinhu chakati siyansei nezvamakambonzwa, asi, zvakadaro, mumoyo mako unoziwa kuti iChokwadi? Iwe, imomo, pane mufudzi akamira imomo pane imwe nzvimbo. Wakasimudza ruoko rwako. Ndiri kuzokunamatira.

³³⁴ Zvinhu izvi hazvina kuitirwa muchivande, shamwari. Rangarirai, “Nzira inhete uye yakamanikana, asi vashoma vachaiwana.” Usabatana negurusvusvu revanhu riri kufamba richienda uko, shamwari, Zera riya reChechi yeRaodhikia. Inogona kusvetuka-svetuka, kutamba mumhanzi, yakadziya. Hazvina kunzi yakatonhora sechando zvino. Zvakanzi, “Yaive ichidziya,” ndiwo maPentekosti, “uye isingazine kuti inonzwisa urombo, ine nhamo, yakapofomadzwa.” Kupofomadzwa kuchii?

Shoko, kuzadzikiswa kweShoko; nekuti haRina kumbouya nekumasangano avo, havagone kuRigamuchira.

³³⁵ Zvino imi vashumiri zasi kuTucson, manheru ano, handikuwanirei mhosva nokuda kwazvo. Mwari vanodaro. Ndaivako makore matatu apfuura. Ndakakuudzai kuti handisi kuzotanga chechi. Handina. Hama Pearry Green vakaitanga. Ndaivako makore matatu, uye hapana nguva imwe chete yamakambondikoka kupurupiti yenu. Ndakagara muTucson kwemakore angada kusvika matatu. Mwari vachandibvisa mugwenga rimwe remazuva ano. Mharidzo ino inofanira kurarama. Ndakaedza nepese pandinogona kuti ndisvike kwamuri. Ndi—ndinoziva chikonzero sei makazviita. Manzwa? Chikonzero chega chamakazviita, ndechokuti sangano renyu raizokudzingai. Uye munoziva, vazhinji venyu ndakataura nemi, uko kuFurr's Restaurant uko, uye munoziva kuti ichokwadi. Munonyadzisa.

³³⁶ Budai mazviri. Budai kubva imomo, hama. Kana muine Hupenyu mauri, ungaita sechapungu chidiki chiya chandangobva kutaura nezvacho, uchanzwa Shoko raMwari. Rangarirai, uchazonzwa iZvi kekupedzisira, rimwe remazuva ano. Tava pedyosa zvino. Haungauye here, manheru ano?

³³⁷ Mwari vanodikanwa, tigere takanyorovera zvino, pazuva rethanksgiving sezvavzviri chaizvo, Ishe. Ndinotenda, Ishe, kuva ndichirarama muzuva rino. Rino ndiro zuva gurus. Pauro muapostora aishuvira kuona zuva rino. Varume vakuru vekare vaishuvira kuriona. Vaporofita vaishuvira kuriona. Vaitarisira zuva rino. Abrahama aitarisira zuva rino, nokuti akatsvaga Guta iro Muvaki neMusiki waro ndiMwari; rakarembera pamusoro pedu, manheru ano. Johane akaona Mweya waMwari uchiburuka kubva Kudenga, ndokupupura, achiziva kuti iye aiva Mwanakomana waMwari. Uye, fungai zvino, Ari kusarudza Mwenga waKe.

³³⁸ Mwari vanodikanwa, kunze munyika yakapoterera kwese, taurai kumoyo wavo. Ndimi Moga munogona kushandura moyo wavo. Kana yakanga isiri Mbeu yakaiswa imomo pakutanga, havangamboIona, Ishe. Vangori... “Bofu richatungamira bofu. Vachawira mugomba,” zvemazvirokwazvo, nekuti Shoko reNyu rinotaura kuti vachadaro.

³³⁹ Zvino, Baba, sezvo tichiona kunyika yese, kupoteredza pasi rose, muAfrica, madhazeni, nemadhazeni muSouth Africa, Mozambique, munyika ino yese, ungaro diki dziri kutora matepi ano. Uye tepi ino ichaenda kunyika makumi maviri nekuraudzira, dzakasiyana. Vave kutanga kuZviona vachizvipatsanura, mazana nemazana avo. Hazvisi kuzotora vakawanda, Ishe. Zvadaro kana nhengo yekupedzisira yagamuchirwa muMutumbi, Kristu achauya.

³⁴⁰ Ishe Mwari, ndiri kukumbira Mwenga, manheru ano, avo vandiri kunzwa kuti vazvipatsanura uye vakamirira, dai vakazvipatsanura kubva kuzvinhu zvese zvenyika. Vanofanira kurara muHupo hweChiedza cheMwanakomana hunodziya hweMwanakomana waMwari, nekushamba muShoko raKe, murudo rwaKe. Zviitei, Mwari vanodikanwa.

³⁴¹ Dai vanhu ava pano, vanooneka, vasimudza ruoko rwavo, manheru ano, madhazeni avo mutabhenakeri huru ino. Ndinonamata, Mwari, kuti Hupenyu hutsva hupinde mavari; ndinozvinamatira, munyika yose kunyangé nepasi rose, uko kucharidzwa tepi, kuti naivovo vagamuchire Mharidzo ino yeThanksgiving voziva, nekunyeverwa nezvinhu zvavanzwa, zvavanofanira kuita. Ndinonamata, Baba. Zviitei. Varopafadzei. NdeveNyu.

³⁴² Ndinoziva kuti yave tsika zvino, Baba, kuti tinodanira vanhu kuartari. Uye ndinonamata, Mwari vanodikanwa, kuti munzvimbó dzose dzekuvhangera, kwese kwakapoteredza, uye pasi rose, kuti vachauya kuartari: vatema, vachena, yero, bhurauni, kwese kwavari; vapfumi, varombo, vasina hanyn'a, vapemhi, chero zvavari.

³⁴³ Vemasangano, ava vakagadzira zvinoenderana nezvavanoda nezvakanangana navo, O Mwari, "Vasina kusimira, vakasuwa, vanonzwisa urombo, mapofu, asi vasingambozvizive." Makataura kuti zvichange zvakadaro, uye ndizvo zvazviri.

³⁴⁴ Saka ndinonamata, Baba, kuti Muchatodana Mbeu yose, manheru ano. Uye nekwese pasi rose kuti iZvi zvidonhe, uye zvibate kachapungu kadiki kaya kanoziva Inzwi raShe wako. Zviitei, Ishe. Ndinovakumikidza kwaMuri, neMuzita raJesu. Ameni.

³⁴⁵ Zvino makakotamisa misoro yenu, muno muungano inooneka. Zvichida vamwe pano, vasina kuponeswa, vasina kunyangé kupira moyo yenu kuna Mwari, hamufunge here kuti munofanira kutenda nokuda kwezvamakaitirwa naJesu? Kufunga kuti, uri mutadzi, uye kuti uri wakapatsanurwa kubva kuna Mwari, asi zvakadaro Chimwe chinhu chiri kugogodza, pamoyo wako. [Hama Branham vanogogodza papurupiti—Mupepeti.] Ungaziva sei asi kuti uri mumwe wezvapungu zvidiki zviya! Wakasuwa, uye ucharamba wakasuwa, kusvikira wazvipira kwaChiri. Ko haungaite here kuti ive nguva yokupa kutenda hurusa yawati wambova nayo, pawakagamuchira Jesu Kristu seMuponesi wako.

³⁴⁶ Ungauya kumusoro kuno womira paartari here? Ndichanamata newe kana ukauya, mutadzi upi zvake, murume kana mudzimai, mukomana kana musikana, nhengo yechechi kana asiri nhengo yechechi. Kuva nhengo yechechi hazvikuite Mukristu zvino. Artari yakazaruka. Ungauya here, mutadzi

upi angade kuuya, gamuchira Jesu Kristu. Angade kunyatsa kusiya...

³⁴⁷ Vamwe venyu vemasangano vangade kusiya kudya chikafu chehuku chiya, chekutaura kuti, "Uri nhengo yeichi uye zvakanaka." Unonyatsoda kuziva kuti rubhabhatidzo chairwo rweMweya Mutsvene chii? Huya, uone.

³⁴⁸ Artari yakazaruka. Takagadzirira. Chingosimuka uuye kuno, kubva—kubva muchigaro chako. Huya kuno upfugame pano paartari, hama iyi ichangouya.

³⁴⁹ "Thanksgiving, O Mwari, ndinoKutendai zvikuru. Kuti, hupenyu hwangu hwese, ndaiziva kuti paiva nechimwe chinhu, Ishe. Handina kumbobvira ndakagutsikana. Ndakaedza. Ndi—ndikafunga, 'Gore rinouya, ndichazviita. Vhiki rinotevera, ndichazviita, nguva inotevera yandichanzwa kudanwa kuartari. Ndichadaro, rimwe zuva.' Ndaiverengera kuzviita, ndichiverengera kuzviita. Asi, Ishe, ndinoziva kuti pane chakatsveyama mandiri. Ndaigara ndichitenda kuti pane chimwe chinhu chakasiyana. Uye zvino, Ishe, manheru ano, ndinotenda nokuda kwegadziriro yakaitwa neMwanakomana waMwari, kuti zvivi zvangu, chaizvoizvo kusatenda kwangu, kwaizogezwa kubva pandiri. Ndiri kuuya, manheru ano, nekupfugama kugamuchira ropafadzo guru rekupa kutenda iro randakaitirwa naJesu Kristu paAkandifira paKarivhari."

³⁵⁰ Ungauyawo here? Zvino pane vanhu vakapfugama paartari pano. Ko wadini wasimuka wauya? Wanga uchida kuzviita. Wakazviedza.

³⁵¹ Chingofunga pamusoro peHama Lyle Palmer, hama yedu yakanaka, inokosha. Vaiva vakagara muchivanze, sokunzwisia kwangu, vakatarisa musikana wavo mudiki achitamba croquet kunze uko, kana zvakadaro, zvino vakapunzika mucheya ndokubva vafa vasati vambogona kudini. Hauzive nguva yauchabva pano. Hautongozive kuti uchaenda riini. Zvinogona kuzoitika, manheru ano, saka wadii wauya uzvigadzirise iye zvino?

³⁵² Tirimukai, vanhu. Hamusi kunzwa chinhu chiru kukudhonza here? Ndi—ndinoziva kuti pane vazhinji venyu pano vanofanira kunge vari partari pano chaipo, asi pangori nevanhu vatanhatu kana vanomwe handivo vagere muno. Zvino, kana muchinditenda motarisa papuratifomu ino, zvinhu zvichiitika, nditendei zvino. Rimwe zuva inzwi rangu richanyararidzwa. Hamuzorinzwa zvakare. Uchashuvira kuti dai wakauya.

³⁵³ Unoti, "Asi, Hama Branham, ndanga ndiri nhengo yechechi." Hapano musiyano wazvinoita kuti wanga uri chii. Kunyange—kunyange Nikodhimo zvakare aiva nhengo yechechi. Saizvozvo

Johane, Petro, Jakobho, Pauro, vamwe vavo vese vaimbova nhengo dzechechi.

³⁵⁴ Pauro aiva nhengo yechechi kusvikira chimwe chinhu chakaitika umwe usiku, kana rimwe zuva ndizvo zvaraiva, iye ndokuuya. Aiva nhengo yechechi yakashandurwa zvadaro, kuva mwanakomana waMwari. Haungauyawo here? Oh, aiva akadzidziswa. Aiva nyanjere. Aiziva kuti aiva akafundiswa, chimwe chezvikoro zvikurusa zvaakafunda zvaiveko, Gamarieri, mumwe wevadzidzisi vakuru vaivepo munyika. Asi akaziva kuti pane chimwe chinhu chaaida.

³⁵⁵ Haungauyewo here? Zvakare ndinokubvunzai. Mukati umo...Pano kana kwakatenderera munyika ino, ndinokubvunzai, chero kwamuri, chero muungano yauri, panguva ino yekupa kutenda. Rangarirai, ndiri kuteppwa pano; kwete pano bedzi, asi Kudenga.

³⁵⁶ Munoziva, zvakaratidzwa nesainzi kuti chinhu chese chaunoita chinorekodhw. Vakazviratidza. Rangarirai, terevhizheni yakazviratidza. Terevhizheni hai—haigadzire mufananidzo. Ndiwe mufananidzo wacho. Inongozvitakura, zvauri kuita, yozviisa muchaneri. Iwe uripo, zvisinei. Maona? Paunofambisa munwe wako, kufamba ikoko kunotenderera pasi rose. Pese paunopfeka dhirezi, kuratidzika kwako kunotenderera pasi rose. Zviri kurekodhw. Pfungwa yese inopfuura nemupfungwa dzako inorekodhw. Uye rimwe zuva rekodhi iyoyo ichamira kurira, ichaiswa muarubhamu.

³⁵⁷ Zvino pazuva reKutongwa richadzoka. Hapo umire nevhudzi rakagerwa, uchikambira kuva Mukristu. Hapo paumire uine mifungo mupfungwa dzako ichipesana neShoko, uye zviri mupfungwa dzako chaimo. Haugone kuzvivanza. Rangarira, terevhizheni, kunyange sainzi inoviviza kuti ichokwadi. Wakamira izvezvi, uchiziva kuti unofanira kunge uri pano, rangarira, izvi pazvinorekodhw, paZuva reKutongwa, pfungwa imwe cheteyo yauri kuita izvezvi ichange ichidzoka zvakare mupfungwa dzako. Izvozvo zvinenge zvichirekodhw. Nyika yese ichazviona zvichiridzwa. Ko sei nyika isinga... Yakakutarisa, paZuva reKutongwa, Ngirozi dzese dziripo.

³⁵⁸ “Kana uchinyara neNi pano, kana pikicha yako iri kugadzirwa zvino, paZuva reKutongwa Ndichanyara newe. Nokuti, Ndakazodza Shoko raNgu, ndikaRitumira kwauri. Hauna kuRitenda. Wakazvivanza seri kwechimwe chinhu.”

³⁵⁹ “Oh,” unoti, “Ndakanaka. Ndakaita *izvi*. Ndakatamba muMweya. Ndakataura nendimi.” Ndizvo zvinoitawo vahedheni. “Ndakadanidzira.” Ndizvo zvinoitawo vahedheni. Ko ungafuratira sei Shoko zvino?

Haungauye?
 Haungauye here kwaAri zvino?
 Haungauye? Haungauye?
 Haungauye here kwaAri zvino?
 Unomirirei, hama inodikanwa?
 Oh, sei uchinonoka zvakareba kudaro?
 Jesu akamirira kukuponesa
 Nzvimbo muMusha waKe wakacheneswa.

Akuise uve mumwe wenhengo yeMutumbi waKe!

Haungauye?

Oh, chapungu chidiki, huya zvino.

Oh, Haungauye here?

³⁶⁰ Ishe, ndinotenda. Ndinotenda zvikuru. Kutenda kwaMuri, Ishe; kwete nokuda kwechikafu chepanyama, kunyange tichiita izvozvo. Asi, Ishe, nguva yemagumo yasvika. Ndinotenda nekuda kweChikafu chepamweya, Ishe, chikafu chepamweya cheZvisimbiso Zvinomwe zvakavimbiswa kuzarurwa.

Unoti, “Zvichava chimwe chinhu chakasiyana.” Kwete, kwete.

³⁶¹ Haugone kuwedzera shoko rimwe chete. Wotora...Ritori iMomo nechekare, rakangovananza. Rakasimbiswa. Vangani vanozvinzwisisa? Itai, “Ameni.” [Ungano inoti, “Ameni.”—Mupepeti.] Maona?

Unoti, “Handiti, ichakavanzika chiri kuuya.” Oh, kwete.

³⁶² RakatoNyorwa. Haugone kuwedzera shoko rimwe chete kwaRiri, kana kubvisa rimwe kubva maRiri. Maona? RitorimMo nechekare. Rinongofanira kuzarurwa muzuva rekupedzisira.

³⁶³ Haungauye here? Huya zvino, shamwari. Kana usinganzwisise, huya. Pfugama pasi, taura naYe pamusoro paRo. Kana ndisingagone kuRijekesa kwauri, Iye achadaro, nokuti ndiYe mu—Munyunguditsi wekupokana kwose.

...muchigaro chaKe chakacheneswa.

Oh, hau... (Haungauye here?) Haungauye?
 Haungauye kwaAri here zvino?

³⁶⁴ Rangarirai, pane rekhodhi iri kuitwa yeizvi, kwete patepi ino chete, asi rekhodhi hombe yaMwari. Mumwe nemumwe wenyu, chiito chese, paunokotamisa musoro wako, paunokotamisa moyo wako, pfungwa inopfuura nemundangariro dzako, rangarira, zviri kurekodhwia izvezvi muKubwinya, uye rekodhi yacho iri kuzoridzwa paZuva reKutongwa. Sarudzo yako iripi? O, ungazoda zvakadini kuti zvishandurwe, paZuva iroro.

³⁶⁵ Ndiri kuzongomirira, nokuti pane vakawanda, vazhinji, vapoteredza artari zvino. Maona? Zvichida mumwe wavo, ndikamgomirira kwechinguva zvakare, panogona kuva

nenumwe kunze uko, anogona kunge ari pane imwe nzvimbo kuNew York, inogona kuva imwe nzvimbo kuPhiladelphia, kubva kuCalifornia, Arizona. Imwe nzvimbo, panogona kunge paine mumwe ari kuuya. Mufudzi, chero kwamuri, musavhara kudanira kwekuuya kuartari zvino.

³⁶⁶ Tinogona kusaona imwe Thanksgiving zvakare. Iyi inogona kuva yekupedzisira, uye marekodhi achabuditswa, manheru ano, kekupedzisira. Tepi ichapera, rimwe remazuva ano. Marekodhi achamiswa oiswa muaribhamu yaMwari. Zvino ichazoridzwa zvakare, zviri pfungwa dzako izvezvi. Usazoti waisaziva zviri nane. Unoziva. “Asi hapana munhu anogona kuuya kwaNdri, kunze kwekunge Baba vaNgu vamuunza. Uye vose avo Baba vakaNdipa, vachauya.”

. . . huya kwaAri?

³⁶⁷ Hama, ndinotenda, dai ndanga ndakagara kunze uko pane imwe nzvimbo, uye ndiine pfungwa dukusa, zvirokwazvo ndaiuya kuno nekukwanisa kwandaigona. Hongu.

Oh, haungayi? Sei?

³⁶⁸ Wapedza here? Une chokwadi kuti hausi kuchemedza Mweya waKe zvino? Ngatirambei takakotamisa misoro yedu zvino. Une chokwadi kuti hauna kuchemedza Mweya waKe? Une chokwadi kuti waita chaivvoizvo zvaAkuudza kuti uite? Une chokwadi zvino? Rangarira, u—unogona kusazowana mumwe mukana zvakare. Rekodhi rinogona kупедзва, manheru ano. Iri rinogona kuva iro rese. Iyi inogona kuva tepi yekupedzisira kwauri. Une chokwadi kuti wagadzirira zvino? Kana zviriizvo, ndinozvisiya mamaoko ako, muZita raIshe Jesu.

³⁶⁹ Zvino kwaya painenge ichiimba zvinyoronyoro, ndiri kuzonamatira ava vari zasi pano. Ndiri mhando yeMukristu akati siyanei. Ndinotenda kuti Mwari ndivo vanoponesa. Ndinotenda kuti Mwari vanofanira kudyara Shoko. “Ndini Ishe,” ndizvo zvinoreva Bhaibheri, Isaya, “Ndini Ishe ndakaRidyara. NdichaRidiridza, siku nesikati, pada mumwe angauye kuzoRibvisa kubva muruoko rwaNgu.” Ndisati ndakumbira mumwe munhu kuti auye kuartari nevanhu ava, ndinoda kuvanamatira, pachangu.

Ngatikotamisei misoro yedu zvino.

³⁷⁰ Jesu anodikanwa, ndichangobva mukudzokorora Shoko reNy, rakataurwa nemuporofita weNy, uye ndinoziva kuti mashoko evaporofita ndeechokwadi. Uye Makati, “Ndini Ishe ndakaRidyara.” Handiti, zvirokwazvo, MakaRiisa muBhuku reHupenyu reGwayana, nyika isati yavambwa. “Ini Ishe ndakaRidyara, uye NdichaRidiridzira, siku nesikati, pada mumwe munhu angaRidzura kubva muruoko rwangu.” Ava, zvichida, Ishe, vakanzwa kudanirwa kuartari kwakawanda. Asi Muchiri kuRidiridzira, Ishe.

³⁷¹ Hepano pavari, manheru ano. Dai vakangogona kusunungurwa, manheru ano, Baba, kubva kuzvinhu zvese zvenyika, zvivi zvese nezvinonetza zviri mumoyo wavo, uye mukudzikama, mukuremekedza, mumoyo yavo, vasiya vouya kuShoko reNyu, iye zvino, zvino voti, "Ishe Jesu, pakadzika mumoyo mangu, ndakagara ndichitenda kuti pane chimwe chinhu changu, chandisati nazvino ndagamuchira. Kunyange ndakaedza, sekutaurwa kwazvaitwa manheru ano, kutevera huku, asi pane changa chisinganzwisisike kwandiri. Zvanga zvingangoratidzike zvakana. Zvadaro, manheru ano, ndiri kunzwa kuti ndiri kuswedera zvino pedyo nekupinda mumaoko eShoko benyu. Ndiri kuuya pano nekuremekedza kwese, ndiri mupfungwa kwadzo. Ndauya paartari ino. Ndinoda ruponeso, Ishe, zvakaipisisa. Ndine nzara chaizvo! Ndinoda kuti iMi, Ishe, mundibate mumaoko eNyu, manheru ano. Kwete kubudikidza nemanyawi api zvawo, asi kubudikidza neMweya werudo, ndipinzei mumaoko eNyu, Mwari vanodikanwa."

³⁷² "Ndiri mwana weNyu. Ndiri kunzwa kuti ndiri chapungu chiya chavataura nezvacho. Ndibatei, Ishe. Ndiri kusvetuka. Ndasimuka kubva muchigaro changu, ndokupfugama zasi kuno. Ndibatei, Ishe. Ndave kusvetuka. Ndiunzei pamapapiro eNyu, Ishe, kubva kuzvinhu izvi zvenyika. Ndiitei ndibhururuke kubva kutsvina zenyika ino, kubva kutsika dzangu dzakaipa, kubva kutsika dzangu dzemasangano. Ndiitei ndiuye kwaMuri bedzi, Mwari vanodikanwa, kuitira kuti Mweya Mutsvene weNyu udurure mandiri kuregererwa kwekupokana kwangu kwese. Dai ini, manheru ano, ndava mwana weNyu, mutsva, aberekwa, uyezve chisikwa chitsva, manheru ano. Ndibatei. Nditakurei kuenda kure, mhiri kwekukerekedza kwehuku. Nditakurei kuenda kure, kune dendere reChapungu, kunova uko kwandinokwanisa kurerwa neShoko raMwari, kusvikira ndava kugona kubhururuka."

³⁷³ Zviitei, Mwari vanodikanwa. Vatorei. NdeveNyu. Ndiwo munamato wangu nekuperera, kunamatira vanhu vari kufa. Zviitei, Baba. Ndinopira munamato uyu ndakavamiririra. Ndinozvikumbira, kuitira kubwinya kwaMwari.

Zvino takakotamisa misoro yedu.

³⁷⁴ Handizive, vari paartari zvino, ndiwe wakapfugama pano. Vazhinji venyu makakambira kuva Makristu, asi makanzwa kuti pane chimwe chinhu, pamwe panhu, chawanga usina. Unogona kunge wakaita zviito zvese zvechinamato. Unogona kunge wakadanidzira. Unogona kunge wakaita zvinhu zvese. Unogona kunge wakatamba muMweya. Unogona kunge wakataura nendimi. Uye hapana munhu anogona kutaura chero chinhu chinopesana nazvo. Ichokwadi. Zvese zvakana. Asi, munoona, izvozvo zvipo zveMweya, pasina Mweya. Dai Mweya waivapo, manzwiro iwayo angadai asiri kunzwa kupomerwa saizvozvo.

³⁷⁵ Unonyatsotenda here, zvakaperera, paartari pano, iye zvino, pauri pano, kuti chiito chekungoziveregdedzera, kwete manyawi zvino, asi mukutenda kwechokwadi, kwakachena, kuti Mwari vachakugamuchira nekukukudza neShoko raVo kusvikira mava zvapungu, pachako, uchigona kubhururuka? Kana uchidaro, uye uchida kuti Mwari vadaro, simudza ruoko rwako, imi vakaungana paartari zasi kuno. Mwari vakuropafadzei. Mumwe nemumwe vakaisa maoko avo mudenga.

³⁷⁶ Zvino, chinyararire, ndiri kuzokumbira varume nevakadzi vakayereswa vanonyatsoziva Mwari.

³⁷⁷ Vazhinji vavo, zvinoshamisa, zvinoita sekunge ndizvo zvazviri, kudanira kuwartari kwandinoita kazhinji vese varume. Munoziva, pane zvemazuva ese, madzimai. Asi vose varume vari pano. Ndinfunga kuti pane mudzimai mumwe chete paartari, manheru ano, pamwe vaviri. Kazhinji madzimai. Asi, neimwe nzira, pamwe zvinoita sekunge madzimai anofunga kuti ndinotaura ndichipesana navo. Handidaro, hanzvadzi. Vatatu, ndinotenda, mumwe munhu ati avaona. Handisi kugona kuona pamusoro peartari pano. Zvakanaka.

³⁷⁸ Vamwe venyu Makristu akayereswa huyai kuno mumire nenii mumunamato kweminiti. Paartari, chero pamuri, papuratifomu, mumwe munhu anonyatsoziva Mwari, anoziva kumira pano kwemaminitsi mashoma achinamata navo, zvadaro tozoparadzanisa ungano. Munhu wese ngaaremekedze zvino. Usaenda. Chingouyai pano mumire makaungana.

³⁷⁹ Vamwe venyu vanhu vanonyatsotenda kuti Ichi iChokwadi, kuti tave kupinda mune rimwe zera. Tave kupinda muZera reKubvutwa. Munoziva chechi haigone kuenda muchinhano chayo, uye haigone kuva zviri nane. Inofanira kuwedzera kuipa. Vangani vanozviziva? Itai, “Ameni.” [Ungano inoti, “Ameni.”—Mupepeti.] Inofanira kuwedzera kuipa. Uye haigone kuenda yakaita sezvizvi. Maona? Panofanira kuva neChimwe chinhu, uye Chiri kutofamba izvezvi, shamwari. Ku—ku—kuri kutoitika, kufamba kweMwenga kuri kutoitika. IChokwadi. IZVANZI NAJEHOVHA.

³⁸⁰ Fambai muchiuya zvino, Makristu akayereswa vanoda kuti rekodhi ravo—ravo kuti rione, ava vanouya vakaperera, vamunoda kuuya kuzopira munamato navo, sehami nehanzvadzi dzenyu, huyai kuno kuwartari. Mirai makatenderedza pano kwechinguva, kuitira munamato. Pane mumwe here anoda kuuya? Mirai pano. Chingopfugamai pavari. Chingofambai, apo imi varume makaunganira varume avo; imi madzimai. Zvinotapira, zvakaninipa vakumbirirei munamato.

Mwari vanodikanwa, batsirai . . . ? . . .

³⁸¹ “Ndinopira zvose. Ndinopira sangano rangu. Ndinopira muchato wangu wekutanga. Ndinopira murume wangu wekutanga. Ndinopira zvose, Ishe.”

...-ra zvose.
 Zvose kwaMuri, Muponesi wangu
 akaropafadzwa,
 Ndinopira zvose.
 Ndinopira zvose,
 Ndinopi...

³⁸² Unopira pfungwa dzako? Unogona here kupira pfungwa dzako, kuShoko raMwari?

Zvose kwaMuri, Muponesi wangu
 akaropafadzwa,
 Ndinopira zvose.
 Ndinopira zvose,
 Ndinopira zvose.
 Zvose kwaMuri, Muponesi wangu
 akaropafadzwa,
 Ndinopira...

³⁸³ Vose vanotenda zvino, muungano, simukai. Ngatirwuimbei, pamwe chete, zvino.

Ndinopi...

Unopira zvose, wagadzirira kurwuimba zvino?

Ndi...
 KwaMuri, Muponesi wangu akaropafadzwa,
 Ndinopi...

³⁸⁴ Zvino, imi makaungana paartari, kana muchinyatsozvipira, simudzai maoko enyu kwaAri, imbai, "Ndinopira zvose. Ndinopira masangano. Ndinopira masangano. Ndinopira chechi. Ndinozvipira pachangu. Ndinopira pfungwa yangu. Zvose kwaMuri, Muponesi wangu akaropafadzwa, ndinopira zvose. KwaMuri, wangu..."

Ndinopira zvose,
 Ndinopira zvose.
 Zvose kwaMuri, Muponesi wangu
 akaropafadzwa,
 Ndinopira zvose.

Unonyatsorevesa here?

Ndinopira zvose,

³⁸⁵ [Chibenga patepi—Mupepeti.] Imi vari paartari pano zvino. Imi vakaungana paartari, vanamata. Chechi yakunamatirai. Manamata, pachenyu. Zvino pane nzira imwe chete yamunogona kuponeswa nayo, inova, "Nekutenda makaponeswa, uye nenyasha." Nyasha dzaMwari dzataura kwamuri, kukuunzai kuartari. Uri kutsvaga maropafadzo aMwari. Uri kutsvaga Shoko rake. Uri kutsvaga Mweya Mutsvene. Uri kutsvaga mafevha aMwari. Zvino kana wakadaro, unogona, chaizvoizvo, nemoyo wako wese, kuzvipira. Zvino, usatsvage

manyawi. Tsvaga Chokwadi, Chokwadi chinobva mumoyo wako, nekutenda. “Ishe, ndakazvipira kuita chipi zvacho chandinorairwa neShoko reNyu kuti ndiite. Ndinozvipira, nezvoze zviri mandiri.”

³⁸⁶ Kana uchitenda nemoyo wako wese, ndinoda kuti usimuke netsoka dzako, tenderera kukereke ino, ungaro, usimudze maoko ako mudenga, uye ticharwuimba pamwe chete navo, “Ndinopira zvose zviri mandiri, Mwari. Sekuziva kwangu kwese, zvose zvandiri, ndinozvipira.”

³⁸⁷ Kwirai papuratifomu ino, imi vari paartari. Nyatsokwirai papuratifomu pano, hama, kuno chaiko, imi mese, hama nehanzvadzi.

Tarisai kuno, kereke.

³⁸⁸ [Imwe hanzvadzi inoti, “Hama Branham, ndiri nhengo yechechi, asi nguva yapfuura handisi—handichisiri mairi zvachose.”—Mupepeti.] Unozvipira? [“Ishe vanoziva kwandinoda kuti Vanditungamirire. Ndinoda...?... kuchechi. Uye ndinoda Mweya Mutsvene, kuzadzwa neMweya. Uye ndingatoda kukurumidza kufa, kana zvirizvo zvazvinotora.”] Hongu. Ndizvozvo. Unopira zvose kwaAri neShoko rake here?

³⁸⁹ Hanzvadzi pano, abva kusangano. Ati, “Ndiri nhengo yesangano.” Hatifanire kuritura. Mushandi imomo. Asi ati, “Hama Branham, ndinoda kuuya kuChokwadi. Ndinoda chimwe chinhu chakadzama kupfuura ipapo.” Maona?

³⁹⁰ Regai nditaure kubva muShoko raKe. “Vakaropafadzwa avo vane nzara nenyota yekururama, nokuti vachazadzwa.”

³⁹¹ Zvino, imi pano papuratifomu, vachangouya, kana wakagadzirira kupira zvese zvauri, zvese, kuteerera Shoko raMwari. Hapana munhu akambokuudza, vhiki rino, zvekuita. Zvino, kana wakagadzirira kupira kwaAri iye zvino, chingosimudza maoko ako, seizvi, kuungano. Zvino, imi vari papuratifomu, ngatirwuimbei pamwe chete zvino, *Ndinopira Zvose*. Munhu wese, pamwe chete. Zvakanaka.

Ndinopira zvose,

Zvino nyatsa kuzvirevesa! ...?...

³⁹² Unonyatsa kurevesa here? Iti, “Ameni.” [Ungano inoti, “Ameni.”—Mupepeti.] Iti, “Ameni,” zvakare. [“Ameni.”] Iti, “Ishe,” [“Ishe,”] “ndinzverei.” [“ndinzverei.”] “Ndiyedzei.” [“Ndiyedzei.”] “Uye mundipewo mukana.” [“Uye mundipewo mukana.”] “Izvi ndizvo zvega zvandakwanisa kuita, manheru ano,” [“Izvi ndizvo zvega zvandakwanisa kuita, manheru ano,”] “kuzvipira kwaMuri.” [“kuzvipira kwaMuri.”] “Munoziva nzara yemoyo wangu.” [“Munoziva nzara yemoyo wangu.”] “Munoziva chishuwo changu.” [“Munoziva chishuwo changu.”] “Vimbiso yenyu yaiva yekuzadzisa chishuwo ichocho.” [“Vimbiso yenyu yaiva yekuzadzisa chishuwo ichocho.”] “Zvino

ndinochigamuchira.” [“Zvino ndinochigamuchira.”] “Uye
ndinozvipira kwaMuri.” [“Uye ndinozvipira kwaMuri.”] Tose
pamwe chete.

Ndinopira zvose,
Ndinopira zvose.
Zvose kwaMuri, Muponesi wangu
akaropafadzwa,
Ndinopira zvose.



KUBATANA KUSINGAONEKI KWEMWENGA WAKRISTU SHO65-1125
(The Invisible Union Of The Bride Of Christ)

Mharidzo iyi neHama William Marrion Branham, yakaparidzwa kwokutanga neChirungu Zuva reThanksgiving, China manheru, Mbudzi 25, 1965, paLife Tabhenakeri muShreveport, Louisiana, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2016 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org